



ФЕДОР ЩЕРБАКОВ

КОДЗУВЪЯС  
ОЗ КУСНЫ



*А. Ш. Ш.*



КОМИ КНИЖНОЕ ИЗДАТЕЛЬСТВО  
СЫКТЫВКАР • 1969



Фёдор Васильевич Щербаков — коми поэт. Литературной уджӧ босьтчыліс 1933 воын на, печатайтліс сэки газетьясын да «Ударник» журналын кывбуръяс.

«Кодзувъяс оз кусны» — поэтлӧн нельӧд книга. Сійӧ вощьӧ сонетьясӧн. Сонетьяслӧн — тайӧ дас нель строкаа, ямбӧн гижӧм кывбуръяслӧн — тематикаыс уна пӧлӧс, кызвыннас найӧ злободневнойӧсь.

Книга мӧд юкӧнас печатайтӧма нель акта, дас серпаса героической драма «Домна Каликова», кодӧс сійма коми народлӧн тӧдса героинялы.



ФЕДОР ЩЕРБАКОВ



КОДЗУВЪЯС  
ОЗ КУСНЫ

С  
Щ 61

7-4-3

---

43.69M

## ОКТАБРЛӨН АЛӨЙ СЯГ

Кыза өшалысь кымөрьяс костті  
Нэмьяс югөрсө шонді эз кой,—  
Кыз роч ной,  
Сьөд сэн өшаліс вой.  
Мырсьысь войтырлөн пöсьныс эз косьмыв,—  
Лун и вой найö мыркисны удж,  
Сьökыд удж,  
Но эз волев бур сутш.


Алөй стяг —  
Долыд стяг  
Мездлысь кыпөдіс Ыджыд Октябрь.  
Ленин ёрт  
Вын и борд  
Сетіс, тышын мед сьөлөм эз ёнты.  
И Октябрь —  
Гөрд Октябрь  
Восьтіс му вылө югыд, виль нэм,  
Усис нартлөн из куд,  
Сэсся мөдысь оз сувт,—  
Өзйө юр весьтын  
Шудлөн яр шонді!

Мунам водзө ми паськыд виль туйөд,  
Украинец и коми, и роч.  
Туйлөн водз...  
Сэтшөм мичаыс шоч —  
Ыджыд вермөм сэн быдлаын юргө:

Вежис тундра, пустыняяс морт,  
Сылөн борд  
Веніс космослысь от.

Оз иин пемдыв важ кадся мөз енэж,  
Нэмсө олас Сөветьяслөн му —  
Вольной му,  
Томмөм, вынйөра му,  
Коді туй вывсьыс ставсө дзик венө.  
Пуктім подулас крепыдөс из,  
Коммунизм  
Ассьыс югнитас би.

Алөй стяг —  
Долыд стяг  
Мездлысь кыпөдіс Ыджыд Октябрь.  
Ленин ёрт  
Вын и борд  
Сетіс, тышын мед сьөлөм эз ёнты.  
И Октябрь —  
Гөрд Октябрь  
Восьтіс му вылө югыд, выль нэм,  
Усис нартлөн из куд,  
Өзйө юр весьтын  
Шудлөн яр шонді!



МӨВПЪЯС,  
СЕРПАСЪЯС,  
ЙӖЗ  
/соңетъяс/



## АБУ ДЕЛӢЫС СЮРТУКЫН

Сонетьяс гижлісны Петрарка и Шекспир,  
Дас нель строкаӧ мӧвпсӧ тӧрӧдліс и Пушкин.  
А менам юрӧй ичӧт,— помтӧм гез ог путшкы  
Строкаяс лыдысь, кӧн — ни прамӧй яй ни вир.

Зэв бур, кор гиж ассыым ичӧтик, но мӧвп  
Дас нель строкаӧ, важся, квайт стопаа ямбӧн.  
Кӧть формаыс и важ, но та вӧсна ог янды,—  
Выль формаяссыыс аддза ог жӧ этша лӧп.

Эм менам ӧти ӧрт и новлӧ важ сюртук.  
Пижон век сыысь кылӧ нафталинлысь дук,  
А ассяныыс жӧ ӧвтӧ кулӧм мортлӧн дукӧн.

А ӧртӧйлӧн сюртукыс кӧть и збыльысь важ,  
Но аслас пытшкыс выль и вайӧ ставлы гаж.  
И шуа: абу ньӧти делӧыс сюртукын!

1963

## АБУ СЭТШӨМ ТЫ, КӨН ВА ОЗ ВӨР

Сонетысь корсьоны педантьяс муслун смысл  
И, оз кө сюр, зэв тешкодь вөчлөны сэк чужом  
Да нөшта содтоны: «Мед гижны, колө кужом,—  
Сонетьяс гижны өд — не сёйны нөкъя рысь!»

Ме төдлі кыйсьысьёс, код потшис өти ты  
И шуө вөлі пыр: «Сэн ва оз ойд ни чинлив —  
Пыр өтвийын: ме сійёс сэтчө тынйи,  
Эз пет мед черияслөн сэтысь кельёб гы».

Но зэр бөрын ми сэтчө өтчид воим друг,  
И «тын» вывтыс ёрлөн вуджис ичөт струг»,—  
Ты ваыс ойдөма и весьтас вуджө прудсө.

Педантьяслы ме шуа: абу сэтшөм ты,  
Көн ва оз вөр, оз вежсьы чери кельёб гы,—  
Код прудйё напысь туй, весь воштө ассъыс уджсө!

1968

## ДАРЬЯ КОЧАНОВА

- Тэ коді лоан!— шуис еджыд офицер.
- Ме! Прөстой ныв, код быдмис съод нянь вылын.
- И кытчө кутін туй!— Туй! Кытчө! Сэтчөдз ылын...
- Тэ көсьян збоявны! Ми тэнсьыд вежам сер!

Тэ гөрд!— Вир менам банын өзйыштө на тшук.  
Мен шуліс мам: «Сөй кушман, лоан век тэ гөрдөн...»  
— Тэ сералан!!— Ме кыпыд. Нэм мөй кута бөрдны!!  
Шог водзын пидзөс йылө некор ме ог сувт!

- Ме аддза, мый тэ збыльысь повтөм и зэв збой.  
Но кодлы служитан! Тэ пурйысь ва эн кой:  
Победа — миянкөд. Не сөмын — шуд и шонді!

— Ха, ха!— ныв серөктіс и лөга вөчліс син.—  
Йөз лолөн вузасьны!! Эг көсийв татшөм чин!  
Тат көин чукөр тіян ветлыны оз понды!

1968

## КОДЗУВЪЯС ОЗ КУСНЫ

Эм Мылдин вёлөк вылын ичөт Пузла сикт,  
Тан варовитис Дарья еджыд офицеркөд.  
Коть пызан рөчас сійө мыйта сэн эз зөркөд,  
Том нывлы сылөн грөзыс веськодь вөліс дзик.

Эз ышты, ни эз повзы керчомьяса ныв,  
А верной аслас туйөд повтөг сійө муніс.  
Коть сійө олөмлөн и орис тан гар сунис,  
Но колис сылөн ним, кыз мича сьыланкыв.

И вуджас сійө нэмьяс, сійөс кад оз ви,  
Кыз кодзувьяслысь синьяс пөртмөдана би,  
Кыз шонділысь быд асыв парма весьтө петөм!

Да, кодзувьяс оз кусны! Весиг ачыс рөк  
На водзын жеб и вынтөм, коть и пуө лөг,  
Мед босьтны налысь дзикөдз йөзлы югөр сетөм.

1968

## СИБИРЬ

Да, вöліс коркө кад! Эн угодит — Сибири!  
Босът киад зумыд бeдь, зэвт катаржнöй ноп көлыс.

Мед сотö дугдывтöг сибирскöй көдзыд төлыс,  
Кын мусö тэ кайлоөн йир сэн, йир и йир!

И йирис уна морт сэн сійöс уна нэм.  
Наручникьясөн киас, кандалаөн кокас,  
Мед царь водзын, мый вöчліс, вештыссис став лёкыс  
И мөдар светын бöрас прöститіс тшöтш ен.

И лыдтöм каторжниклөн тёпкис муас пöсь,  
И тёпкис вир, но мавтны тронлысь-ö сім öсь!  
Эз, эз,— мед кынмыны рубиньясö, алмазö.

И найö кынмисны. А сьöлөм пытшкөс би!  
Сибирскöй нефтьын ломзьö,— нимкодясьöй ті!—  
И братскöй ГЭС-ын, көн ми уджö йитім васö!

1968

## ДЗИК СТАВЫС ВИЗУВТӨ

Дзик ставыс визувтө да вежсьö — нем оз сулав  
И весиг лөньöм ты, көн ваыс медся дыш.  
Код пöрысь, сійö олыштас му вылын, сэссия кулө,  
А томыс кыпöдчö, кыз зу моз быдмысь пыш.

Да, томыс кыпöдчö, а пöрысьмöмыс кулө,  
Не ме ог шу, мый сійö быдмөг оз нин сет.  
Öд выльыс лэдзö вужсö муас, а оз вылө,  
Да важнас пöткөдчö, мед сöвмис уна цвет.

И найö сöвмöны. Ме нимкодяся наөн,  
Мый сэтшöм лөсьыдöсь, мый наын — öзьян би,  
Код ру пытшкö оз вош, оз пöд и джуджыд ваö  
И шонтö кöдзыд эрдьяс, сывдö вечнöй йи.

Ме выляс видзöда, сэк мöвпала и шуа:  
Кöть кула — дзик ог кув, — выль дзоридзьясын туа.

1968

## КӨТЪ ТОМЛУНӨЙ ОЗ ЛОВЗЫЫ

Крут гөра вылө кузя пуксьөма Турья  
Да няша вомөн ылысь видзөдө сөдз васө  
Зэв тэрыб Емвалысь, кор синсө восьтас асыв  
Да шонді паськөдө лөз эрдысь колея.

Тан коркө чужлі ме и быдмылі. Том кад  
Тшөтш коллявлі ныв-зонкөд дас квайт арөдз.  
Эз ковмыв меным некор луныв саридз,—  
Сикт ассьым аддзыны пыр вөлі ме зэв рад.

И өні аддза ассьым гачтөм челядь дыр,  
Ме аддза бузган шор и нимкодълунөн тыр,—  
Кызд гожся шондіыс сэн нежитліс ас гожнас!

Но ставыс кольөма, оз ловзыы важыс бөр,  
Оз ловзыы томлун, оз, но та вөсна ог бөрд:  
Тан, аддза, йывмөны выль олөмлөн выль вожьяс!

1968

## Ельдин

Тан нинөм торъяыс: кузь ластва, вывтас рөч,  
Кык ичөт кось, а сэсса вомын пыр и вомын.  
Збыль шуа, татчө ме эг волыв нин во комын,  
Но вои — сьөлөм тпкө менам йөймытөдз.

Со коз и вывтас рөч, көн вөвліс мян стан,  
Көн дөлавліс төв йылын еджыд дөра вонным.  
Эг сэн-ө вөчлыв тусьяс ме ичөт зонмөн,  
Кор рытын чөскыд ужин дасьтис менам мам!!

Ме дзорга ю вылө. Тат сійө ты кодь лөнь  
И лөсталө, кыдз кельыд, мича лөз шөвк вөнь,  
И гөгөр бузакылө сәні гырысь чери.

— Лель катө, лель!— ме кыла гөлөс шы.  
Тадз Вась чож горзывліс, кык аддзиг гөгрөс гы.  
И нимкодь казтыны мен важся турун керөм!

1967

## ТЭ КЫЛАН, ЁРТ!

Ме вöрын ветла пыр, централка — мекöд тшöтш,  
Но некор мейсь пöткаяс оз повны:  
Ог вöрзьöд найöс ме, а вöля сета овны,  
Мед мичмöдöны вөр и паськыд ю дор кöдж.

Öд кодыр муна сэт, мен долыд накöд пыр,  
И сьөлöм вылын олö ыджыд лача  
И паськыд мирсö югыдджыка аддза,—  
Ме вöсьлала и помтöм шудöн тыр.

А вöрын кö оз кыв мен дозмөр котсьöм шы,  
Оз кыв кö, кыдзи чипсасьö сэн сьöла,  
Мен чайтсьö, мирыс ыджыд шогö сөлöм

И мекöд долыд сёрнисö оз кы.  
Тэ кылан, дона ёрт! Мен лоö вывтi шог,  
Кор пöтка вылö ассьыд кыпöдан курок.

1968

## ПАРША НЫВЪЯС

Кор ичөт вөлі ме, бать вайö вөлі пыр  
То кос нянь тор, то сир и сетас, вөлі шуö:

— Тэн парша нывъяссянь. Ме ветлі ылыс юö,  
И найö ыстісны. Со ещö пельсы сыр.

И сэтшөм нимкодь меным! Пельсы сырйыс гөрд  
И öзйö биөн. Шуа:— Кутшөм парша нывъяс!—  
А батьöй висьталö:— Юсь сьылі небыд сывъя.  
Сэн кытшөн ворсöны пыр öта-мөдныскөд.

— Съöd вöрас!— Да. И мича сьыланкыв  
Пыр ливкйөдлөны ставныс...— А сэн кымын ныв!  
— Зэв уна. Еджыд платтьöаöсь быдөн найö.

Кор быдми ыджыда, сэк муні ме став вөр  
Да корси найöс сэсь — эз сюрны: вөрлөн шөр  
Дзик тыртөм. Но ас пилы пельсы сыр век вая!

1968

## ДА,— ШУА,— ДА

Сё збыль, зэв уна колё висьтавны мен мөвп,  
Но гөтыр меным шуо: «Кор нё йёйтавны тэ дугдан!  
Од тэнад челядь эм. Тэ мөвпысь лун оз югды,—  
Мун, весась, бурджык, карысь деньга кыськё өвт».

Мый шуны гөтырлы! Ме сійёс войт ог вид:  
Мый гижя, сыысь сійё некор рок эз пуыв,—  
Көть шензыы, көть тэ эн, эг тайё уджас суыв,  
Вот сэсса олөмтё и олөмыскөд йит!

А менё сьылёны! Ёрт паныдасяс кор,  
Пыр шуо: «Тэнад юргё сьыланкывлөн гор.  
Дивья тэн овны: сьёмыд... курөг пё оз кокав!»

— Да,— шуа сылы,— да. Сьём менам зеп тыр век!  
Кызд сытөг позьё овны! Некиды и грек.  
Ме куля сюрсьясөн, но банккөд ола пёка!

1967

## ПЕЧОРА БОК

Веж сывья вына сусьяс, дубьяс сямён дзик,  
Юр лэптисны лун-лун Печора бокин вылө  
Да зумыш парма вомён видзөдісны ылө,  
Мед аддзыны, морт шудлөн көні лыбө пик.

Сё нэмьяс дзоргисны — эз аддзыв налөн син  
Ни сійө гөрасө, ни сійө долыд мусө.  
Тшук шонді петалас, и бөр нин сійө кусө,  
Морт пукалө би дорын — сылөн шог оз чин.

Но нэмьяс вежсисны и вежсис мортлөн сям:  
Код вөліс збойён зэв, то сійө лоис рам,  
А рамыс... Збоймөдчис и лоис медся збойён.

И чөвтис сійө сывьяс шогыслы аркан  
И вежис аслас зумыш мулысь чужөмбан,  
И талун сійө ставлы шонді югөр койө!

1968

## КЛЕТКА АДДЗИГӨН

Руч оліс клеткаын, Көть шонді аддзис пыр  
И тырмис сынөдыс, эз овсьы сәні сылы:  
Сы дорысь гажыс көнкө ветлөдліс зэв ылын,  
И вердісны — эз сөй, зверь вомө нем эз пыр.

«Кыз эськө пышйыны!» — пыр оліс юрас мөвп.  
Вот сюрис здук — и сійө шутөвтис съод вөрө.  
Сән сійө, майбыр пө тай, гуляйтнысө төрө,—  
Ов — гөгөр лача, сімөсь клеткаөн оз өвт.

Мөд делө фермаын: руч пышйис — сән урон,  
Кыв колө кутны: ручысь коді мынтас дон!!  
И суөдісны зверөс, кутісны съод вөрысь.

Морт киө веськаліс, син водзас сувтіс бөр  
Важ ичөт клеткаыс, көрт сутугаяса йөр,  
Руч думыштис и потіс съөлөмыс дзик шөри.

1968

## АРСЯ ДЗОРИДЗ

*Мутницаса знатной звеньевой,  
ыджыд сёлёма да зэв бур нывба-  
ба-орденоноска Евдокия Егоровна  
Ивановалы.*

Тэ скатерт вольсалин да пызан вылад тыр  
Быд сёянсө мен вайин: «Сёйышт жö, эн тшыгыяв.  
Сёй пöттöдзыд и ю. Со сурыс кутшöм быгыя!  
Эн видзчысь тэ, эн пов,— тэн тырмас, нем оз быр».

Кöть вöли ме дзык пöт, но видли черинянь  
И быгыя суртö тэнсьыд юи быдса кружка.  
Öд абу радейттöм ки вöчöма да кужтöм,  
А сяма, тэрыб ки, и ставыс чöскыд, шань.

Ми сёйим и сэк тэкöд варовитим дыр,  
Тэ висьталин, совхозын мунöны кыдз уджъяс.  
Оз лёка,— зиль, бур йöзлы омöльтор оз вужьясь,

А шонди сетö ки, мед гажлун вöлис тыр.  
Ме радли кывзигам, но сэк жö лоис шог,  
Кор шуин: «Менам верöс! Усис. Бөр.. оз лок».

1969

## БӨРҮЯ ЮӨРҮЯС

Ме кывза радио. Сэсь кыла: Пентагон  
Вьетнамө ассыс ыстө содтөд гырысь выньяс,  
Оз көсйы, мед странаыс вөлі тайө джынъя,  
А негрьяс... Наөн гыалө став Вашингтон.

АФИНЫ. Тани хунта өвсьыны оз мөд:  
Выль арестьяс. Тюрмаяс тырөмаось йөзөн.  
БОНН. Канцлер Кизингер көть сёрнитө оз грөза,  
Но содтө ядерной оружие дорө өд.

Кыз юөртө ПАРИЖ, Родезияын Смит  
Расизмлы водзө пунктө подулас гранит,  
Но жуглалөны сійөс патриотьяс.

МОСКВА. Сэн газ фонтан, то кыптөма выль ГЭС  
То содіс муяс вылын урожайлөн вес,—  
Йөз олө шудаа,— советскөй строй оз потлась!

1968

## СЫЫВ, ЛИЛИЯ, ТЭ СЫЫВ!

Ме ола сэтöнi, кöн гожöм шöрын вой  
Оз пемдыв некодыр, а сöмын рудов лолö,  
А тöлын — мöдарö: сэк лун сьöмöс оз овльив,—  
Оз качлыв пöшти шондi, ассьыс гож оз кой.

Кöть Софиясянь менам ылын Коми му,  
Но дружескöй страналысь гөлöссö ме кыла.  
Со талун меным сэнi Иванова сьылö,  
Ме сийö кывза... Кыз нö нимкодълун оз ту!!

Сы гөлöсын яр шондi лучьяслөн струя,  
И сийö исковтö, кызд горнöй ключысь ва,  
Пöсь, югыз кывьяснас став мирлысь сьөлöм шонтö.

Сыв, Лилия, тэ сыв! Мед тэнад гөлöс гор  
Быд помын юралö и некодыр оз ор,  
Мед сийö ломзьöдö йöз дружбалысь жар шондi!

1968

## ТЫОНГ ВАНЛӨН ГӨЛӨС

Напалмысь гөгөр сотчө лун и вой Вьетнам.  
Салдатьяс мунёны, а джунгли... Сэтчө рөкыс  
Тшем кыпөдөма вөр, и мунны вывтї сьёкыд,  
Вын усис кокьясысь и надзмис мунан сям.

— Здук шойччыштам.— Ог вермөй: абу миян кад.  
Сы час кежлө, көть кув, но колө лоны сэнї.  
Мог миян ставлөн өти: врагөс татысь венны  
Мед сывъялас тан смерть, ми сылы вөчам ад!—

А йөзлөн кок оз мун. Но кыськө кывсис друг  
Том, мича сыланкывлөн гора шы та здук,  
И бырис йөзлөн мудз, кыз быттьө эз и вөвпыв.

— Тэ кылан! Тыонг Ван! Тэ кылан! Тыонг Ван!  
Ныв чуксалө, мед сылысь мездім Куангнам...—  
И пансис чорыд бой, враг мунис сэки төв йыв!

1968

---

\* Тыонг Ван — Лунвыв Вьетнамса Каунгнамысь ныв. Муяс вылын уджалігөн сылысь батысь самолёт-сянь пулемётной очередьөн виисны французской колонизаторьяс, а кор на пыдди воисны американской оккупантыяс, том ныв пышйис гөраясь, вуджис Народно-освободительной армияладорө да өні сэн сылө военной ансамблын и өттшөтш санитаркаалө. 1968 вося июльын-августын Тыонг Ван воліс том йөзлөн да студентьяслөн IX Всемирной фестиваль вылө Софияө.

## МЕ МУНИ ВИТСЁ БИ ПЫР

Ме муні витсё би пыр, яйёй — вир да дой,  
Но кось кө лыбас виль, ог дзёбсьы джуджыд пышö,  
А первойён пыр төвзя ыджыд, чорыд тышö  
И лоа сэн, оз кытчöдз вирнас вөрөг ойд.

Сэн вермас усьны юр! Но йöзлы лоас шуд,  
И мян му весьтын зэв югыд лоас шонді.  
Ог аслым öд ме ов, а ола, медым шонтіс  
Пöсь сьöлөмөй ас бинас йöзлысь олан куд.

Ми чужим му вылас виль тэчны олан дыр,  
И тыштөг дзоридз сэн оз восьты ассьыс сыр,  
Кöть копрась сы водзын тэ нэм да дойдав пидзöс.

И уся кө, ог кор, мед сувтöдісны мен  
Гранитнöй памятник, нэм сулалі мед сэн.  
Бур кыв кө шуасны, и сыысь аттьö видза!

1968

## КАДЪЯС ДА ТУЙЯС

Кузь туйö вөрзыйтөдз ми пуксьыштлімөй здук.  
Тадз сьывліс коркө баб мен ичөт дырйи,  
Кор пеша дорын печкис, а ме сартас чирйи,  
И тшынныс сөйис синнымөс, кызд лук.

— Ме ветлі Киевö,— сэк висьталіс мен баб,—  
Мед енлы кевмыны. И мунігчөжөй кори.  
И кори локтігам. Ме вың эбөсысь ори:  
Өд быдса куим во! А эг эськө вөв ляб.—

Ме Киевö жө муна. Бабөйлөн зэв шог висьт...  
Кызд юр вылад тэн сійö көдзыд ва оз кисьт!!  
Но радлігыр ме пукся самолётö.

Ми вылө кыпөдчим, а юрын — «куим во»...  
Но колис кад — и куим час эз ло,—  
Ме Киевын, көн лунвыв шонді сотö.

1968

## ГОРДОСТЬ

Ме муна Киевöd. Сэн креж йылын важ лавра.  
И зарни куполыс, кыз факел, восьтö мен  
Ас дзырыд югöрнас зэв ылö кольöм нэм  
И князь Владимирöс,— былиннöй роч му ставнас.

Зэв ыджыд мян му. И Соловей-рöзбойник  
Эз öти сэтчö волев, вуджиг уна нэм.  
Но Муромец Илья пыр вöлис и век эм,—  
Враг зiлис, но эз вермы мянлысь му лойны.

Тэ дзырдав аснад, томмöм, вильмöм Киев,  
И кыпöд юртö водзö, енэжса лöз пивйöдз,  
Мед шензьö тэнад мичлунөн, кыз ме,  
став му выв мир!

Роч му и Украина — вернöй ыджыд чойяс,  
И найö кыптöны, мöд-мöдлысь кутiг сойяс.  
Эг весьшöрö ми тышын кисьтöй алöй вир!

1968

## КИЕВЫН ШЕВЧЕНКОЛЫ ПАМЯТНИК

Почётной караулын туаяс. Покой  
Тараслысь найо видзёны пыр чёла.  
Акацияс өвтчоны, кор төла,  
Зэв меліпырысь лайкйөдлөмөн сой.

Тыр ыджыд думөн өтнас сулалө поэт,  
Мыш саяс кутіг асьыс веськыд кисө.  
Мөд кинас кывзө сьөлөмыслысь бисө,  
И кобзарь вылө видзөдө став свет.

Мый йылысь видзө дум! Поэтлөн мөвп эз быр,—  
Му шарыс пыр на зыкөн-пиньён тыр,  
Шпицрутэньяс сэсь эз на дзыкөдз бырны.

Со Африкаысь негр. Сэсь весьшөрө эз лок.  
Вьетнамец ськөд отвыв юкө сэні шог.  
Өд колө шуны кыв, мед му выв лёксө зырны!

1968

## КЫК РОЗА

*«Фонтан любви, фонтан живой!  
Принес я в дар тебе две розы».*

*А. С. ПУШКИН. «Фонтану  
Бахчисарайского дворца».*

Руд мрамор плита вылө шөрыштис Омер  
Фонтан, көн өтлаынөсь ыджыд шог и муслун.  
Художник сямлөн выныс вермас өмөй кусны!  
Резецөн гижөмсө оз вуштны кад ни чер.

Иранскөй мастерлөн творенье вылө дыр  
Руд арся лунө өтнас дзоргис ыстөм Пушкин.  
Из — из и эм. Зэв көдзыд, шоньд ру оз чужты.  
И вайис чашаө поэт кык роза сыр.

Кык роза — виж да гөрд, кык дзоридз, сөмын кык,  
И мөвпсө весиг ассыс кывъясөн эз пык,  
Но ловзис көдзыд из, и лоис сийө шоньд.

Сө нэмьяс колясны, зэв уна кывтас ва,  
Но лыддяс сэсь быд морт поэтлысь роч душа,  
И кокни сылы лоө рочөс гөгөрвоны.

1962

## ЯЛТА

Со рытив-лунвылын Ай-Петри лэптö юр,  
Сы весьтын гыалö веж гыөн Чёрной море.  
Лёз енэж шёрсянь синтö öзйысь шондi ёрö,—  
Кöть погребö тэ пыр, тэн ыркыдiн оз сюр.

Но Набережной улица — «Ялтинской Бродвей»,  
Кöть мореыс и лыдтöм купайтчысьён пуö,  
Оз овыв тыртöм,— сэнi лыдтöм йöз век жуö,  
И öти дзугйö ставлөн кысьö олём вей\*.

Орешникьяс да пальма сывьяс улын лов  
Зэв ветлö кокниа, пöсь вашкөдчö любов.  
Ни тöжд, ни сылы шог — дзик ставсьыс сiйö ылын.

Оз ю тан рыт ни асыв некод прöстöй ва,—  
Быд вожын автомат, сэсь лэччö сур, вина,  
И сьөлём мөвкьялö янтарной гыяс вылын.

1962

---

\* Олём вей — олём визь. Вей — си (нить).

## МЕ ӨД ПАРМАЫСЬ

Балкон вылө ме петі, ылын — море эрд,  
А улын олеандръяс ломзьёны би рөмөн.  
Тэ видзөд на вылө да нимкодясь. И сөмын.  
Но юрын пессьё мөвп, и сотчө морөс берд.

Мед кодкө көнкө сьылө: «До, ре, ми, фа, соль»  
Да кеслө гөлөссө, мед сөстөмджыка сьывны,  
Мен абу окота дзик нинөм талун кывны,—  
Син водзысь аддза ме ог море — парма ёль.

Со сійө чуклялө, а гөгөр — пемыд вөр,  
Сэн сьөла шпоркнитлас, то кыткө мунас көр,  
И тайө серпасыс.. Став сьөлөм сотө биөн.

Мый тадзи шуа ме, ог өтдорт тэнө, Крым,—  
Тэ дорө муслунөй век морөс пытшкын пым,  
Но ме өд пармаысь, и вунөда мөй сійөс?

1962

## КОД РАДЕЙТӨ

Код радейтө, сы йылысь гораа оз шу,  
И кутшөм муслунлы йөз эрдө петны колө!  
Друг йөзасяс кө кызкө, муслун сыысь полө,—  
Өд сійө мича сэк, кор вевттыштөма ру.

И лөсьыд сэки сылысь кывны мелі шы,  
Кор гусьоник тэн пеляд мый йылысь кө вашкө.  
Көть сы йылысь, кыз вылі Төлысь кывтө, гашкө,  
Да сылысь мичсө эстөн петкөдлө лөнь ты.

И кывзан сійөс тэ. Да, кывзан и он мүдз,  
И кутыштлыны сійөс кийд лөө нюдз,  
И мелі вом дор сылысь окалан тэ пөся.

Тэ өтчыл окалан и сёысь, но он пөт,  
И сэтшөм долыд тэныд! Дойман — дой он төд,  
И шуан: мыйла водзджык орччөн түй эз лөсяв!

1962

## ВАЙ ӨТЧЫД ОКЫШТА

Вай өтчүд окышта. Эн ваксы: шуа збыль.  
Мед öзйө мян муслун — сөстөм и зэв мича,  
Да сьөлөмяслысь сійө рөвнөй тiпкөм видзө.  
Вай өтчүд окышта. Эн ваксы: шуа збыль.

Кор радейтам, сэк югыд шондiа став свет,  
Көть петас ыджыд бушков, сыысь ми ог полөй.  
Ог полөй сы вöсна, мый миын муслун олө.  
Кор радейтам, сэк югыд шондiа став свет.

Ме тöда, му вылас быдторйыс эм на тыр,  
Но лөксыйс кежам ми, мед керкаө эз пыр.  
И тайö этша на,— ми йөткам сійөс рыө.

Өд мича олөмлөн та светын здукыс — шуд,  
А «мөдар светын» көть и вечность, но — му куд,  
И, кытчөдз ловьяёсь, ми мунам муслун шыө!

1968

## АЙ-ПЕТРИ ВЫЛЫН

Креж йылын сулала ме өтнам, көн лөз эрд  
Да лэбалёны паськыд бордъя вына кутшьяс.  
Дзик гөгөр лача. Чөв. И ывлаыс мен путшкө  
Шөвк сунисьясысь мойд, мед сьыліс кымөр берд.

И сійө сьылө. Мый! Ме сы йылысь ог төд,—  
Лөз бордъя төлыс меным та йылысь эз висьтав.  
А ылын пессьө море, кыз бес зэв страшнөй висьтын,  
И дрөбитө ва мольяс, вензиг изьяскөд.

Ой, море, море! Тэ он бурысь пессьы тадз,  
Он бурысь поткөдлы из стенлысь рөчөсь гадь,—  
Ме аддза, суис шоглун, пузис кө тадз морөс.

И менам морөсөй оз овływ некор чөв,  
Кор лёкысь омлялө му вылас шуштөм төв  
Да менө аскөдыс зэв ыджыд тышө корө.

1962

\* \* \*

Тэ эскы «енъяслы», но сэк эн вошты юр:  
Му вылас тшынөдöны енэж разнöй «енъяс»,  
И быдөнлөн портрет оз югдөд керка стенъяс,—  
Тэ эскы «енъяслы», но тэ эн вошты юр.

А воштан кө, тэ сэки лоан прөстöй гут,  
Код дузгö-лэбалö, а мыйла! Морт оз висьтав.  
И öшйö сэсся пыр жö, кодкө ма кө кисьтас.  
А маас — курыд яд. Кор сёяс, бөр оз сувт.

Ме татшöм «енъяслысь» ог казтьышт зывök ним,—  
Сидз найö төдсаöсь, кызд көртлы — сёйысь сём,  
Но шуа нöштаысь: эн ло тэ синтöм гутөн.

«Ен» сöмын сйö бур, код йöзлы сетö нянь,  
Да дорывыв тöждысьö, мед олём вөлс шань.  
Но омөль сйö «ен», код горштö вундö пуртөн.

1969

## БАХЧИСАРАЙ

Руд изъяс костод надзён сяльгö Чурук-Су,  
Сы вомён вуджö пос — туй нуодö сарайö \*.  
Сэн минаретьяс лэптöны юр кымөр сайö,  
Мед ылöдз аддзыны дзик ставнас крымскöй му.

Дворец вылö ме дзорга — син водзын Гирей,  
Керим-Гирей — чалмаа, зумыш, скөр и наян,  
Мöвп пестö гусяöс: «Ми ставлысь копыр ваям!..»  
И чайтсьö морöс пыткас поздысьöма змей.

Но öнi ставыс тайö ылö кольöм кад,—  
Гаремыс тыртöм дзик, и мөдтор сьылö сад,  
Оз сы йылысь, кинжал кызд ёстьö сэн Зарема.

Выль шондi улын сөвмö выль Бахчисарай,  
Сэн дзоридзалö шуд, пöсь дружба — вежсис край,—  
Лаванда пөвстын ворсö, мичыс кыа рöма.

1962

---

\* Сарай — дворец.  
дворец.

Бахчисарай — садьяслөн

## КОМИ МУЖИКЛОН «ЧАЧА»

Семён Налимов \* — коми столяр да важ плётник—  
Чер босьтіс, вайис коз да триньган вöчис сэсь.  
— Вот мужикыд, вын ассъяс видзö кытчö весь!—  
Сы вылö шензисны.— Кöть тöлкаөн ло öтчыл!..

А сылы тöлк «эз ков»,— струнаяс зэвтис сэтчö,  
И сьывны кутис сылы вöрса пöрысь коз.  
Эз кыдзыкö, а тувсов, садьмём ывла моз,  
И кажитчис, став мирыс радліг сылы öвтчис.


— Вот дивöйд! И сьылö! Мыйся тайö чача!—  
Эз тöдны пемыд йöз. А кöнкö оліс морт  
И корсис плётниклысь, кöть ылын вöліс горт,  
И «чачалы», мед сьыліс, сетис ыджыд лача.

Дзор плётник куліс нин, а си гудöкыс пыр  
Му вылын олö — ловъя, шензьöдö став мир!

1969

---

\* С. Ив. Налимов — Сыктывдін Вильгортса си гудök вöчысь ыджыд мастер. Сылөн си гудökъяс, кодъясöс сійö вöчавліс виртуоз-балалаечник В. В. Андреевлөн оркестрлы, Парижын Всемирной выставка вылын завоюйтисны зарни медаль. Öні сылөн си гудökъяс донъявсьöны Страдивариуслөн скрипкаяс моз. Налимовлысь кык си гудök видзö Москваын öнія виртуоз-балалаечник Е. Г. Авксентьев. Тайö балалайкаяснас сійö ворсис Европаын, США-ын, Латинскöй Америкаын, Австралияын, Индонезияын, Японияын.



ДОМНА  
КАЛИКОВА



## ВОРСЫСЬЯС:

**Каликова Домна Фёдоровна** — шөркодь тушаа, гогрөсіник чужома, 23 арөса ныв.

**Наталья Ивановна** — сылөн мам, шөркодь тушаа, ар 45-а.

**Маегов Афанасий Андреевич** — Ревкомса председатель, гөрд командир, 26 арөса.

**Сергей** — гөрд партизан-разведчик, 27 арөса.

**Жеребцов Аким Петрович** — Усть-Сысольскса купеч, 45 арөса, неиджыд тошка, кызкодь морт.

**Микол** — сылөн приказчик, 22 арөса.

**Ёгор** — белогвардейскöй салдат.

**Латкин Степан Осипович** — белобандит, вöвлөм вологодскöй губернскöй гласнöй, öнi асьсö нимтö Вологодскöй губернияса начальникөн, неиджыд ёсь тошка. Шөркодь тушаа, неуна гөрбылякодь, лысöй, 32 арөса.

**Прокушев Александр Осипович** — Вотчаса купеч пи, штабс-капитан, Латкинлөн веськыд ки, шөркодь тушаа, 25 арөса.

**Пыржев** — белоофицер.

**Белоофицер.**

**Фролов Вячеслав** — белогвардеец, сьöd морт.

**Маруся** — Усть-Сысольскса купечлөн гөтыр, но радейтö Латкинöс... Кызіник, гогрөс чужома, шөркодь тушаа, зэв мича да стройнöй, 27 арөса.

**Поп.**

**Лакей** — 40 арөса.

**Нывбаба** — коммунистлөн гөтыр, 35 арөса.

**Коммунист** — сылөн верөс, 38 арөса.

**Кулак ныв** — 20 арөса.

**Арестантьяс, воиньяс, нывбабаяс, народ, ныв-зон.**

**Стөрöж** — ар 50-а.

Действиеыс мунö 1919 во помын, а медбөрья серпасыс — 1968 воын.

## ПЕРВОЙ АКТ

### ПЕРВОЙ СЕРПАС

Рыт. Авансцена вывті мунёны Домна да Сергей.

**Домна.**

Сергей, көть висьталін тэ меным:  
Мый сэтшөм муслуныс!

**Сергей.**

Пось би.

Кор сійö öзьяс пыткад тэнад,  
Он здукөн сійöс сэтысь ви.

**Домна.**

Кыздз көсья радейтны! Тэ эскы.  
Но некызди оз тырмы сям —  
Пыр мыйкө менö водзö кыскö,  
И морöс пытшкысь шог оз ям.

**Сергей.**

Зэв вылі лэбалан.

**Домна.**

Ме! Мый тэ!..

**Сергей.**

Да, Домна. Варыш колö тэн,  
А сійö...

**Домна.**

Сералан жö мыйкө!

Эн сөр: оз лöсяв сійö мен.  
Мен колö лөнъ да прөстöй муслун —

Оз гора кыв, оз тыртём мич.  
И сійө нэм чөж мед эз куслыв,  
Кыдз дзоридз гыысь тувсов видз.

Сергей.

Быд мортлөн, Домна, думыс татшөм,  
И менам тэнад кодь жө мөвп.  
Но сөмын... Шудлы юыс ватөм,  
И шудыс дзоридзөн оз өвт.

Домна.

Ой, муслун, муслун! Ыджыд муслун,  
Көн ветлан тэ! Көн олан тэ!  
Көн талялан тэ, кутшөм ордым,  
Көн косьтан ассыд сьөлөмтө!

Сергей.

Оз косьты,— ветлө сэн, көн ёрө,  
Дзирд койиг, шондї мортлысь син  
И сьылө шоныд саридз дорын,  
Мед сійөс ыджыд шог эз ви.  
Но воас, пармаысь оз повзы,  
И ваяс шудлысь ыджыд пай.

Сэк тан виль лов шы тэныд ловзяс,  
И шондїасяс шондї сай...

(Енэж помас тыдовтчө ыджыд ломалан би югөр.)

Домна (индө биланьыс).

Сергей, тэ видзөд: көнкө сотчө.

Сергей.

А көн оз ломав өні би!!  
Му пасьта кывйыс сылөн өвтчө,  
Быд вожысь сійөс аддзам ми.

Домна.

И сотчө лов, и сотчө муыс!  
Кор сөмын шогысь мездмас морт!!

Сергей.

А тайөс... Тайөс тэ эн юав,—  
А шенышт тышө варыш борд!

(Саялөны сцена сайө.)

Занавес.

## МБД СЕРПАС.

Усть-Сысольсклөн улича. Пыдіас, гылалом коръяса топольяс да кыздзьяс пөвстын,— вит юра да джуджыд кёлкөльня Степановскöй собор. Велькыдвылын — партия Усть-Сысольскöй укомлөн балкона кык судта здание. Сы водзын пызан. Сэни Ревкомса да Укомса членьяс сеталоны оружие да доброволецьясöс гижалоны партизанскöй отрядö.

Отарсянь и модарсянь локтоны гөрд флагьясөн военнöй да штатскöй йöз. Военнöйяс вооружитчöмаöсь, а мукöдыс вооружайтчöны. Йöз пөвстын кöйялоны купеч Жеребцов да сылөн приказчик Микол. Балкон вылын — котыртчысь партизанскöй отрядса командир, сийö жö Ревкомса председатель Афанасий Андреевич Маегов.

### Маегов.

Дона чойяс да вокьяс,  
Чужан муысь став йöз,  
Вөрөг ми вылө локтö,  
Вайö ставлы ён грöз.  
Эжва ю бердö Латкин,  
Кöин-белобандит  
Петис, оружиеөн зяткö,—  
Гөгөр киссьö пöсь вир.

### Народ.

Кöть английскöй штык  
Лэчyd и зэв ёсь,  
Сийö некор дзик  
Мезднымöс оз босьт.  
Тышö сувтам ми  
Быдөн: ныв и пи.  
Збойлунным оз чот,—  
Чегам враглысь борд!

### Маегов.

Тышö сувт, народ,  
Дорйы ассьыд мезд,  
Сийöс мед оз гарт  
Озырьяслөн вез.  
Тышын повтöмлун,  
Мездлун вöсна би.

Чужан му оз вун,—  
Тышö, бать и пи!

Воиньяс (мужской хор).

Вына миян сой,  
Дорьям ми выль строй.  
Озырьяслөн вез  
Некор оз босьт мезд.  
Кöть и усям ми,  
Но Сöветской власть,  
Кыз маяклөн би,  
Некор оз быр тась.

Народ.

Тöдса уна во  
Нартитöм, нужда.  
Некор тан оз ло  
Латкинлөн орда!

Нывбабаяслөн хор (воиньяслы).

Шудлун да бур туй  
Ставөн сиами.  
Пуля мед оз туйд  
Вир-яй тиянлысь.  
Бура ветлыны,  
Дона воиньяс,  
Нырны-вöтлыны  
Врагöс-көннöс!  
Дукыс тани мед  
Сылөн нэм эз кыв.  
Вермöм йылысь век  
Сывны сыланкыв!

(Йöз пöвстысь тэрыба — ставнас öзйöма тышö — петö  
Домна Каликова да локтö пызан дорö.)

Домна.

Мезд вöсна кыпöдчö ён тышö став народ.  
Код вермас лоны бокун сыысь, код!  
Предатель, трус, изменник — омöль гаг.  
Ме сэтшöмөн эг чужлыв! Алöй стяг  
Ас чужан мулөн корö ставöс сувтны,  
Салдатьяс стройö, медем мездлун кутны.  
Ас кийн кутны! Гижöй: Каликова Домна.

Ме — вöвлöм питерскöй работница и кора  
Оружие, мед нöйтны гадьяслысь пеж свора.  
Маегов (чуймöмөн видзöдö Домна вылö).

Тэ — коммунистка вернöй,—  
Враг дорö лöгыд гыалö ён тöлөн.  
Тэ аснад лэптан менсьым сьöлöм.  
Но сетны жö оружие... Ог вермöй.

Д о м н а.

Тöварыш командир!  
Кор йöзлөн киссьö вир,  
Ог вермы тышысь сулавны ме бокин.  
Ме кöсья дорйыны ас мулысь шуд и мезд  
И кута тышкасьны ог лёка.  
Винтовка колö мен.

Маегов.

Ме тэныд висьталі нин ставсö, и эн зіль.  
Ог вермöй сетны ми.

Д о м н а (народ дінö).

Ас чужан муса йöз,  
Удж вылын, тышын калитчöм бур войтыр!  
Кор Эжва пöлөн звермöм вөрöг шöйтö  
Да гөгөр сылөн грöз,  
Мезд вöсна тышын колана-ö ме!

Сергей (йöз пöвстысь).

Быд штык сэн лоас коланаён век!

Д о м н а.

Став сьöлöм менам помтöм биён пуö,  
Мед дорйыны пеж врагысь чужан муöс,  
Сöветскöй власть и сылысь алöй стяг —  
Ас шуднымлысь священнöй ставлы знамя,  
Код мичмöдö ас рöмнас  
И степь и яг,  
И кора ме винтовка —  
Оз сетны сійöс мен.

Сергей (петö йöз чукöрысь).

Код повтöм варышлы оружие оз сет!

Со маузер ме ассым сета тэд,  
А босьта ме винтовка.

Д о м н а (босьтö Сергейлысь мыччöм маузерсö).

Сергей!

Тэн муöдз копыртчыла ме, Сергей.

Ме копыртчыла тэн и сета кыв —

Пыр тайöс новлöдлыны бура.

Клянитча аслам юрөн! (Копыртчывлö Сергейлы,  
а сэсса став народ водзын сетö клятва).

Ме враглы паныд тышö пета

И сэнi повтöм лоа пыр:

Враг водзын мужество оз быр,—

Народлы таын клятва сета.

Но друг кө менам чужас полöм,

Ог ло кө вöляөн ме ён,

Мед революциялөн стрöг закон

Сэк босьтас менсьым олöм.

Х о р (повторяйтö бөръя нель строкасö).

Д о м н а.

Кызь куйм арöдз олi ме,

И корысь лямка кыски век,

Кор дас кык арсянь ветлi йöзын.

Архангельскын ме лун и вой

Удж вылын песi ассым сой,—

Купеч-кöзьяин розга вöзйис.

Эз вичмы Питерын мен шуд,

Эз тырлыв Вяткаын нянь куд,

Пон пыдди Ярославльын олi.

Кöть кытчö, кодарö эг мун,

Орёл кык юра личкис лун,

И менам сьöлöм гырдөн лолiс.

Орёллөн усис кыкнан юр,

Вын найöс лэптыны оз сюр,—

Став выныс öнi миян ордын.

Ми тышö петам ныв и зон,

И ставлөн вöля миян ён —

Оз чег — победнöй лоас ордым!

М а е г о в.

Винтовка сэсса абу. Кодлы колö,

То верманныд тi босьтны

Пистонкаяс.

Та съőkыд кадö

Враг кузя лыйö любöй көрт.

Сергей.

Кор пуö сьөлöмын ён тышö ыджыд би,

И черён венам врагöс ми.

Народ.

Слава!

Збой партизанлы слава!

Нывбабаяслөн хор.

Тэн, повтём партизанлы слава!

Народлөн воиньяслы слава!

Народ.

Слава! Слава! Слава!

Маегов (лэччö балкон вылысь да локтö Домна да  
Сергей дорö).

Мый колис тані шуны меным!

Отрядын, Домна, лоны тэныд.

Ревкомö пыр и босьт шынель,

И норасьём эз кыв мед пель.

(Домналы вывті нимкодъ,— пырö Ревкомö.)

А тэн, Сергей,

Ме сета ассьым револьвер. (Мыччö.)

Тэ тайöс новлödды и видз,

Мед шоглун тэ дорö эз сидз.

Сергей (босьтö).

Ме тайöс босьта, шуа: враг

Оз прöйдит мяян дінö шаг.

А друг кө мыччас ассьыс юр,

Сэн пузяс вирыс, кызди сур. (Сьылігтыр мунö.)

Мортлы овны сэки долыд,

Кодыр полёмөн оз вись.

Кыпыда сэк ветлö лолыс,

Тышын вермöмыс век кись.

(Народ разödчö.)

А код полö,— лёка олö:

Луннас кувлö куим пöv.

Кувны кө нин, өтчүд колө,  
Сөмын сідз, мед шызьё төв! (Саялө.)

Маегов (йөз разөдчөм бөрын өтнас).

Тэ, менам чужан му, отчизна,  
Лөз юяс, шувгысь джуджыд вөр!  
Тэ, югыд кыа — коммунизлөн,  
Народ тэ менам — сьөлөмшөр!  
Код шуас: мездыс татысь бырө,  
Оз ло советскөйөн ас му!  
Код шуас: шудным миян кырө  
Да коляс сөмын пемыд ру!  
Оз вермы некод тайөс шуны,—  
Законсө ывлаыс оз сет.  
Пез враглы вермөмьяс не нуны,—  
Тась ловья юрөн бөр оз пет.  
Тэ видзөд, кутшөм миян войтыр,  
Мый мында наын збойлун би!  
Юр миян некодлөн оз ойбырт,—  
Враг вылын вермөм босьтам ми!

(Веськөдчө пырны Ревкомө. Петкөдчөны Жеребцов да Микол. Жеребцов кыскылө пистолет да көсйылө Маеговөс лыйны, но оз вевьяв: Маегов саялө Ревком өдзөс сайө.)

Ж е р е б ц о в.

ТЬФУ!

Кор оз везит, то оз везит:  
Эг вевьяв педздөдны курок.  
Сэк эськө водіс паразит,  
Лөк пон моз вывлань лэптіс кок.

М и к о л.

Аким Петрович!..

Ж е р е б ц о в.

Чөв сэн ов!

Мый ыдждөдлан сэн, кор оз ков!  
Ме абу тэ кодь байбак Микол,  
А нима купеч Жеребцов  
И төда, кодыр мый мен вөчны,  
И корджык кодлысь босьтны лов.

Микол.

Эн шогсы: коркө тэнад лыйтөг  
Кск лэптас сійө, кызди пон.  
Өд Латкинлөн сэн йөзыс мыйта!..  
Тэ ассыд юртө видз тан, зон.

Жеребцов (гөгөр видзөдиг, думайтчыштөм бөрын).

Тэ сюся видзөдин!

Микол.

Эг узь жө!

Жеребцов.

Вөв вылө пуксы дзик жө пыр  
Да төвзы Емдинө. Мед сэни  
Тэ вөлин аски асывводз.  
Кор воан, Латкинлы сэн висьтав,  
Мый гөрдьяс тани — өти содз,  
И унджыкыслөн — кыйсян пищаль.

Микол.

Мен колө вөв.

Жеребцов.

Босьт миян Зотьлысь.

Том чань на сылөн и зэв збой.  
А юртө гөрдьяс мед эз босьтны,  
Туй вылад пурйысь ва эн кой.

Микол.

Эн шогсы — ставыс лоас лючки:  
Мен төдса тась быд нюр и яг.  
Ми гөрдьяс кузя сідзи кучкам,  
Мый найө резсясны, кызд чаг.

(Мунөны. Регыд мысти тыдовтчө Домналөн мамыс —  
Наталья Ивановна. Сійө бөрдө, кияснас шлоч-  
көдө бокъясас.)

Наталья Ивановна.

Агтө дивө,  
Дивө жө нин тайө  
Артмө менам нывкөд!  
Шу, көть эн тэ,

Төлк вылө оз вайөд:  
Аспас визьөд кывтө.  
Пырөма йөй юрас  
Кутшөмкө война да  
Инасьны оз вермы:  
Сідзикөн и дурө,—  
Краснөйө пө пыра,  
Таысь пө эн дөзмы!  
Кыдзи жө он дөзмы!  
Абу өмөй мам ме!  
Эг мөй сійөс быдты!  
Өд война оз жалит,—  
Код вылө надея  
Ассьым мөда кутны!  
А вот сійө  
Та йылысь оз думайт:  
Сутки нин эз воы.  
Краснөйө, дерт, сійө  
Сираліс нин юрсө,  
Ветлө көнкө — долыд.  
Сералө да ваксьө  
Көнкө өні сійө,  
А ме бөрда.  
Сьөлөм менам кылө,  
Вошас менам нылөй.  
Та ен эрдө.

(Ревкомысь петө Маегов. Наталья Ивановна шыасьө сы дорө.)

Муса ёртөй,  
Гашкө, тані  
Партизанас гижалөны!  
Вошті нылөс.  
Гашкө, тані  
Руд шынельсө сеталөны!

Маегов.

Тан, бур аньө, тан.  
А мый нө?

Наталья Ивановна.

Вошті нылөс.  
Лунтыр нин ме корся —  
Көтөді став бан,

А некыдзи оз сюр век.  
Эн аддзыв сійӧс тэ!  
Тэ, гашкӧ, тӧдан —  
Каликова Домна!

Маегов.

Тэ сылӧн мам! Эн бӧрд —  
Дзик ставыс лючки.  
Бур ныв тэ быдтӧмыд —  
Зэв повтӧм, кыдзи варыш.

Наталья Ивановна.

Ті сійӧс тӧданныд, тӧварыш!

Маегов.

Ми сыкӧд тӧдмасимӧй тан,  
И ӧні сійӧ «Ванька»-партизан.

Наталья Ивановна.

Ме сідзикӧн и чайті!..  
Быд лун ӧд вӧлі кайтӧ...  
Мый вӧчис!..  
Ойя жӧ да ойя!  
Рӧзӧренньӧ:  
Ӧд воштас ассьыс юр!  
А гортын — нянь ни нур.  
Кыдз кута овны ме!  
Ой, рӧзӧренньӧ,  
Сӧ рӧзӧренньӧ! (Бӧрдӧ.)

Маегов.

Враг локтӧ мян вылӧ  
И, ог кӧ вӧтлӧй, выныс сылӧн  
Бӧр босьтас му и видз  
И асьтӧ сідз оз видз,—  
Тэн юрад сюяс сійӧс  
И кыскав сійӧс.  
А кодлы тайӧ муса!  
И вот.  
Ӑн тышӧ сувтӧ став народ.

Наталья Ивановна.

А ме нӧ кыдзи, муса мортӧй!..  
Ӧд сӧйныд быд лун колӧ,  
А гортын...

**Маегов.**

Эн шогсы весьшөрө. бур ань...

**Наталья Ивановна.**

А гортын... Чөв нин, шань!

Сэн весиг сов ни нянь —

Пыр лоас косөн видзны пань.

**Маегов.**

Ми тэныд сетам сов и нянь. (Зепсыс кыскө талоньяс.)

Та бумагаөн мун продкомө

Да сэтысь норма босьт.

Продкомыс со нө, сійө домын.

Эн бөрд. Мун, син доръястө косьт.

**Наталья Ивановна.**

«Эн бөрд. Мун, син доръястө косьт»,

Кор мунө эстшөм кось!

А нылөй!..

**Маегов.**

Босьт норматө и виччысь гортад.

**Наталья Ивановна.**

Ой, сьөлөм менам кылө,

Вошас менам нылөй!

**Маегов.**

Оз вош. Мун, виччысь гортад.

Аддзысьлытөдз! (Мунө.)

**Наталья Ивановна** (өтнас).

Нянь норма вылө вузалі ме нылөс!

Да мый нө тайө! Ассыым нылөс!!

Да эм-ө көнкө ен!

Ад гуын места оз ло мен!

(Кияснас бокьясас шлопкөдіг да бөрдіг, мунө. Регыд мысти Ревком сайысь тыдовтчө Сергей.)

**Сергей.**

Ме тайө уличасө нэм чөжөй ог вунөд:

Тан менам чужис медводдза любовь.  
Ас пармасынь Карпатодз ставсö муні,  
Но некön тадз эз öзйыв менам лов.  
Эз öзйыв ныв дінö, код эськö менсьым сьölöм  
Ас киас босьтис пыр кежлö, кыз тан.  
О Домна, менам муслун, менам олöм,  
Тэ вöсна сылö краснöй партизан.

(Ревкомысь петö Домна — руд шынеля, пеля шапкаа,  
маузера, аддзö Сергейöс да вöчö сувтов. Сергей  
сийöс оз аддзы: видзöдö мöдарö.)

### Домна.

Ме тайö уличасö нэм чöжöй ог вунöд:  
Тан чужис менам медводдза любовь.  
Ас дженьыд нэмö кымын туй ме муні,  
Но некön тадз эз öзйыв менам лов.  
Эз öзйыв зон дінö, кор эськö менсьым сьölöм  
Ас киас босьтис пыр кежлö, кыз тан.  
Сергей, тэ менам муслун, менам олöм,  
Тэ вöсна сылö «Ванька»-партизан.

Öттшöтш (Сергей оз на аддзы Домнаöс).

Ме тэнö радейта, кыз шондiа лöз енэж,  
Кыз ассьым шуд, кыз ассьым чужан му.  
Тэ нэмыд кежлö босьтін сывьяд менö  
И морöс пытшкö вайин мича шуд!

Домна (чукöстö Сергейöс).

### Сергей!

Сергей (бергöдчö да котөрөн локтö Домна дорö).

Ой, Домна! (Окалö да кутлö.)  
Тэ сетін сьölöмöйлы борд.

### Домна.

А тэ! Тэ сэтшöм лöсьыд морт!..

### Сергей.

Эн ошкы жебыниксö, Домна.

### Домна.

Ме тэнсьыд бурлунтö дзик некодыр ог вунöд,—  
Öд фронт вылö ме муна...  
Ми врагöс венам! (Надзön чукöртчö народ.)

**Сергей.**

Кыв шутӧг венам ми.  
Шуд миянлысь оз мырдды сылӧн ки.

**Домна.**

А ӧні... Друг вот куті повны...  
Сідз окота мен гортын овны!..

**Сергей.**

Тэ, Домна, мый!..

**Домна.**

Мен лоис шог,  
И сьӧлӧм тані гудрасьӧ быд ног.

**Сергей.**

Эк, нывка!.. Ме чайтлі, збыльысь повтӧм,  
А кильчӧ помад воштӧмыд нин ловтӧ.  
Ляб мортлы тышын вӧчны нинӧм,—  
Мун гортад: гашкӧ сэні блинӧн  
Бур мамыд чӧсмӧдлас, а ме...  
Прӧщай! Ог эшты,— муна ме.

(Мунӧ сьылан горлань.)

**Народ** (сцена сайын).

Тэ кывзы, рабочӧй,  
Тыш лыбис народнӧй.  
Вай эновт тэ уджтӧ  
Тыш нуӧдны мудзтӧг.

**Домна** (ӧтнас).

Мезд вӧсна тышӧ сувтӧ став народ,  
И стройыс ӧн — оз некор сійӧ пот.  
Оз пот! (Вӧчӧ жествяс, тӧд вылас усьӧ Сергей,  
бергӧдчӧ сылань.)

Сергей, эн вӧч тэ морӧс пытшкӧ дой,—  
И менӧ виччысьӧ салдатскӧй строй.  
Оз шенышт белӧй банда асьыс борд,—  
Ми дорам сылы нэмыс кежлӧ горт!

(Вӧтӧдӧ Сергейӧс, коді эз на вевъяв саявны. Се-  
гей сувтӧдӧ да култӧ Домнаӧс.)

Ставкөд өттшөтш.

Пөвтөг ми мунам,  
Дорьям Сөветьяс  
И өти моз кулам  
Тышын на вөсна!

(Домна да Сергей көсйөны сувтны тышө му-  
нысьяс стройө, но оз вевьявны — петкөдчө Наталья  
Ивановна. Сийө аддзө Домнаос да уськөдчө сы ді-  
нө. Киас — пызь тыра нейджыд мешөк.)

Наталья Ивановна (синваөн бөрдиг).

Тэ көсйин, Домна! Мый нө, мый нө!  
Мун, мун. Тэ тышө мун.  
Со сетисны мен, сетисны мен  
Нянь — көкьямыс пунт.  
Ме тэнө вузалі... Ой, Домна,  
Ме өні сэтшөм рад!  
Нянь вылө вежи тэнө, Домна,  
Мед ставнас шызис ад.  
Оз, сийө өні оз нин менө,  
Оз примит,— некор оз:  
Нянь вылө вузалі ме тэнө  
Дзик кычи пиос моз.  
Тэ көсйин, Домна! Мый нө, мый нө!  
Мун, мун. Тэ тышө мун.  
Со сетисны мен, сетисны мен  
Нянь — көкьямыс пунт.

Домна (уськөдчө да кутлө мамсө).

Прөстит тэ менө, муса мамөй,  
Прөстит, прөстит, прөстит.  
Эг вермы овны тан мөд сямөн,—  
Мезд корө кар и сикт.

Наталья Ивановна.

Дерт, найө пыксьөны тэ вылө,—  
Оз овны тэнадтөг!  
Эг кывлыв тышьяс вылысь нылөс,—  
Тыш мунліс нывьястөг.

Домна.

Сэк, мамөй, кадыс вөлі өти,  
А өні сийө мөд.

Тэ эскы, мамой, меным эскы  
И менсьым сьолём тёд.  
Ог вермы сулавны ме бокин,  
Кор мунё эстшём кось.  
Ме тода, тэ он косьы лёкос,  
Но тыштөг мезд он босьт.

### Наталья Ивановна.

Кристос мед тэкёд! Ветлы, ветлы,  
Ме сэсся кыв ог шу.  
Ог куж совет ме тэныд сетны,—  
Мун. Вермём да бур шуд!

Д о м н а (кутлё да окалё мамсё).

Зэв ыджыд аттьё тэныд, мамой,  
Зэв ыджыд аттьё тэн!  
Нэм чөжыд вөлін менам прамой  
И öнi сэтшём тэ.  
Ме тода, тышын абу кокни,—  
Сэн шойччөмыд оз сюр.  
Но ассьым честьёс ме ог уськёд,  
Ог янёд ассьым юр.

### Сергей.

Зэв ыджыд аттьё тэныд, мамой,  
Зэв ыджыд аттьё тэн.

### Д о м н а.

Нэм чөжыд вөлін менам прамой

Д о м н а и С е р г е й (өттшөтш).

И öнi сэтшём тэ.

(Наталья Ивановнаос кутлёны, окалёны и, кияснаныс  
өвтчиг, мунёны, вөтөдөны строй.)

Повтөг ми мунам,  
Дорьям Советьяс.  
И öти моз кулам  
Тышын на вёсна!

Наталья Ивановна (өтнас).

Ме тэнö вузалі, ой, Домна,  
Ме öнi сэтшём рад!..

Нянь вылө вежи тэнö, Домна,  
Мед ставнас шызис ад.  
Оз, сійö öнi оз нин менö,  
Оз примит — некор оз:  
Нянь вылө вузалi ме тэнö  
Дзик кычи пиöс моз!  
Тэ көсйин, Домна! Мый нö, мый нö!  
Туй сетi — ветлы мун.  
Со сетiсны мен, сетiсны мен  
Нянь — көкъямыс пунт. (Усьö, а сэсса бöрдö.)

З а н а в е с.

## МÖД АКТ

Враг тылын сиктса улича. Рыт. Шуйгавылын кильчö, веськыдвылын — белогвардейскöй штаб. Сылөн кильчöыс петö сцена вылө жö, а кильчö таланяс — карта öдзöс. Ъвлаын бушков. Сы пыр тыдалöны сцена сайысь потшöс, льöм пу, а водзысь — бара жö керкаяс.

Шуйгаладор керка сайысь, кывзысиг, петöны Домна да Сергей. Найö сувтовкерöны, гөгөр видзöдöны. Сцена сайын — нывбабаяслөн бöрдöм да Прокушевлөн гөлöс.

**Н ы в б а б а л ö н г ö л ö с.**

Ой, лэдзöй, капитан. Ой, лэдзöй:  
Öд ньöти абу мыжа.

**М ö д н ы в б а б а л ö н г ö л ö с.**

**Лэдзöй,—**  
Дзик ставыс мыжтöм йöз.

**П р о к у ш е в л ö н г ö л ö с.**

Л-ланьтöй!— шуöма. Тi кылад!  
А тэн мый колö! Н-на! (Кылö нагайкаөн швучöб-  
тöм.)

**Став коммунисты смерти!**

**Д о м н а.**

**Предатель Прокушевлөн гөлöс.**

**С е р г е й.**

**Со талань локтöны.**

**Д о м н а.**

**Тась колö дзевсьыны.**

**С е р г е й.**

**Со кильчö улас öдзöс.**

(Тэрыба пырöны штаблы воча кильчö улö, а сэтсы-сянь — посводз улас да ывлаас видзöдöны калькнитыштöм öдзöс пырыс. Сцена сайысь матысмö да гораммö арестуйтöм коммунистьяслөн сьылöм, нывбабаяслөн ойзöм. Ворсö сьөлöм кырлöдлана музыка. Сэссия арестуйтöм коммунистьяс петöны сцена вылö. Найöс колльöдöны белогвардеецьяс. Коммунистьяс (сьылöны спокойнöя, мужественнöя.)

**Югид Эжва дор,  
Джуджыд нöрыс йыв,  
Пожöм яг и пипу рас!  
Кытчö сийö кадыс колис,  
Шуд йылысь кор пötка долис  
Мича гөлöснас!  
Кытчö, кытчö кадыс колис,  
Шуд йылысь кор пötка долис  
Тайö му вылас!**

**Югид Эжва дор,  
Джуджыд нöрыс йыв,  
Пожöм яг и пипу рас!  
Колис сийö кадыс ылö,  
Но ми юрьяс лэптам вылö,—  
Мöд мед шогалас.  
Кулам ми, но сьөлöм сьылö,  
Сылөн шыыс лэбö ылö  
Ас бур вынйöрнас!**

**Прокушев** (вötödö сьылысь коммунистьясöс).

**Молчать! Кыланныд!  
Молчать!**

(Коммунистьяс мунöны, сьылöны водзö, сэссия саялöны. Сцена сайын кылö нагайкалөн швучьялöм. Конвоирьяс пövстысь öти белогвардеец косö да шыбитö винтовкасö.)

**Белогвардеец.**

**Сьыланкывйыс сьөлöм шөрöдз**

**Сатшис, кыдзи пурт.**

**Ог, ог вермы! Пышья вөрө,**

**Лоа йөзлы друг.** (Чужйө винтовкасö бокö да пышйö керка сайö.)

Домна да Сергей кöсйылöны кильчö увсьыс петны, но öти керкаысь кык белогвардеец кыскöны ещö öти öтпöлöс дөрöма коммунистöс. Бөрвывтыс, ойзиг, вöтчö сылөн гöтырыс.)

**Белогвардеец,** (коммунисты кучкö прикладнас сьылi тшуптас).

**Вай восьлав, тэрмась!..**

**Нывбаба.**

**Аддзö енмыс,**

**Дзик сйö мян абу мыжа.**

**Тi лэдзöй: шуд ме кевма нэмöс.**

**Тi лэдзöй — абу сйö мыжа.**

**Белогвардеец** (коммунист гöтырлы).

**Эн гартчы кок улын! Аль лудö**

**Пон яйыд тэнад! Сидзкö на!** (Кучкö прикладнас, нывбаба усьö.)

**Эн шызьöд пель, кыдз киссьöм гудök,**

**А то лыя, сötана!** (Чужйö.)

**Коммунист.**

**Тi талун лэбаланныд вылi,**

**Но воас кад — и чеганныд тi сьылi!**

**2-öд белогвардеец.**

**Тэ нöшта грöзитчан сэн, гад!!**

**Тöд, кыдзи уджалö приклад!** (Кучкö. Коммунист сунтшиксö сцена сайö. Сэтчö жö саялöны белогвардеецьяс. Коммунистлөн гöтырыс чеччö бөр да котöртö верöсыс бöрся, ойзö.)

**Нывбаба.**

**Нэмöс кевма, ой, эн виöй:**

**Сизим челядь батьöмсяс.**

**Сизим челядь.... Мыжтöм сйö,**

**Эскöй тi, бур салдатьяс!** (Саялö сцена сайö. Сценаыс недыр тыртöм. Саяс, кыдз йөлöга, сьылö хор.)

## Хор.

Бөрд тэ, Коми му,  
Водзөс сетны сувт!  
Сувт тэ, Коми му,  
Мездтө киад кут!

(Нывбаба, шөйөвошөма, сцена сайысь локтө бөр да горзө өшиньясө.)

## Нывбаба.

Ой, бур войтыр! Кодкө көнкө  
Эм кө ловъя, спаситөй!  
Верөсөс өд лэччөдісны  
Эжва йирө. Спаситөй!

(Пырө Микол — выль белогвардейскөй шынеля, папахаа. Сійө гажа. Нывбаба шыасьө сы дорө.)

Ой, бур мортөй, эм кө перна,  
Спасит менсьым верөсөс.  
Сизим челядь... Эм кө перна,  
Спасит. Кора. Сета мөс.

Микол (вак-вакөн сералө, а сэсся винтовкасө босьтө перевес вылө).

Ми сөйлім еджыд сьөла яй,  
Ми сөйлім дозмөр, тар.  
И мөс яйө ог сьөлалөй,—  
Өд пуны биыс жар. (Шковөбтө-луйө. Нывбаба усьө да паськөдө сывьяссө.)

Ха, ха, ха, ха, ха! (Локтө шой дорас.)

Тэ кевмин: «Спасит верөсөс»,

А коді сетас мөс!

Ха, ха, ха, ха, ха! (Нывбабалысь шойсө кыскө бокө да шатлаліг мунө. Калькнитөм өдзөс пырыс Домна мыччылө револьвер да көсйылө нин Миколлы педзгөдны, но киөдыс кутө Сергей.)

## Сергей.

Эн лысьт! Тэ кытчө! Абу гортад.

Тадэ хыкнаннимлөн вошас юр. (Индө чуньнас.)

Тэ аддзан!

Д о м н а.

Аддза. Но өд мортыс...

С е р г е й.

Эз ло! Но тани тэ эн дур,  
А видзёд, кывзы, гарт ас пеляд,  
Мый кылан. Мёд ног шуд оз пет.

Д о м н а.

Сідз пуө сьёлём! Сизим челяды!..

С е р г е й.

Но килы вöля тэ эн сет.

(Сцена вывтi штабланы мунöны низь ку пася Латкин  
да штабс-капитан Прокушев.)

Л а т к и н.

Штабс-капитан,  
Ми пыр на пессям тани,  
Лёк тайö йöзыскöd,  
И кутам пессыны ми дыр-ö!  
Орлов нин босьтис Яренск.  
Да, Яренск.  
И воö Ленаö. А ми!  
Кор Усть-Сысольскланы вөрзям ми  
Да сэтчö пырам!

П р о к у ш е в.

Дзик ставыслы эм аслас кад.  
Тi асьныд тöданныд:  
Мед водзö панны туй,  
То первой колö сийöс весавны,  
А мёд ног он ло рад.

Л а т к и н.

Ме нем ог тöd. И тöдны мен оз ков:  
Ме — Латкин.  
Ме требуйта — не тани видзны жуй,  
А водзö панны туй.

П р о к у ш е в.

И панам.  
Код шуö, мый ог панöй!

Но тан жö — большевизмлөн поз.  
Ог бырöдöй кө сійöс,  
Юр сүям сэк ми биö.  
Лун-мöд тась мунны оз позь. (Пырöны штабö.)

Д о м н а.

Пеж Прокушев мый шуö!

С е р г е й.

Кор юштан, сэк кывйид тэрыб,  
Но сылы колö на и борд.  
Карпатьяс дорын шуліс öти ёрт,  
Мый овлöма пö Архимед  
Да восьтöма закон:  
Му шарсö бергöдны пö мед,  
То мыджöд колö ён.

Д о м н а (индö локтысьяс вылö).

Сергей!

С е р г е й.

Ме аддза, аддза.  
Приказчик Жеребцовлөн. Рыжöй Микол.  
Вот пежыд — сывъялöма нылöс! (Петкöдчöны  
Микол да ныв.)

М и к о л.

Улича кузя мунö ныв,  
Аддзö көлöб, восьтö сыв:  
«Ой, тэ, көлöб, көлöбок,  
Тэнö сёйны абу лёк:  
Колö меным ёнмыны,—  
Радейта ме зонманöс». —  
А тэ менö радейтан-ö, он!..  
Вай ме тэнö окышта.

Н ы в.

Чöv! Улича шöрас!  
Мун, эн дур!  
Друг кодкö аддзас —  
Усяс юр. (Ныв оз сетчы, а Микол окалö  
мырдөн.)

М и к о л.

Нывкөд некор ме ог дур.—  
Уджалө на менам юр.  
Гөтрася ме тэ вылө,  
Лоан писар гөтырөн. (Чуткө бокас.)

Н ы в.

Ой!.. Тэ мөй писарь!

М и к о л.

Дерт жө, абу пөлөс Кесар!  
Помалі ме куим класс.  
Рас.  
Карын вузавлі ме квас,  
Два-с.  
А квасыд сійө сэтшөмтор  
Пыр зильгө зептад зарни гор.

Н ы в.

Оз ыргөн!  
Тэ лөсьыда жө бырган!  
Ха, ха, ха!

М и к о л.

Тэ он кө эскы, ме ог кор:  
Аким Петрович Жеребцов  
Тэн карын висьталас, мый збыль.  
Тэ менө радейтан-ө, он!

Н ы в.

Гөг вуж тан менам орас!  
Вай эн нин сөр,— ме кора.  
Көть муртса жалит менө, зон.

М и к о л.

Ог вермы некыдз: сьөлөм пуө...  
Дзик збыльысь өд ме шуа:  
Тэ косьтан менсьым сьөлөмөс.  
Көть видлы татысь дөрөмөс.  
Ой, сідз тэ сэтчө сөтыштін!..  
Вай нөшта өтчид окышта.

(Микол кӱсӱӱ оковны, но нылыс пышӱӱ: Микол  
вӱтчӱ сы бӱрся. Посводз улысь петӱны Домна да  
Сергей.)

**Домна.**

Быд йӱйлы колӱ муслун!  
Кӱтъ эськӱ нывсьыс яндӱс мед.

**Сергей.**

Дум вылас йӱйлы татшӱм мӱвп оз усълыс,  
ӱд сӱйӱ яндзимсӱ оз тӱд.

(Белогвардейскӱ штабысь петӱ ӱти офицер,  
сувтӱ кильчӱ вылас да, куритчиг, пальӱдчӱ сӱнӱ, ним-  
кодьясьӱ ывланас. Штаблы воча кильчӱ улысь сӱйӱ ад-  
дзӱ Домнаӱс да Сергейӱс. Найӱ кутласьӱны да  
скасьӱны, вӱчӱны вид, мый бытъӱ сӱнӱ радейтчыс  
ныла-зонма. Офицер локтӱ на дӱнӱ.)

**Офицер.**

Тан мыйся пара! Кильчӱ улын!!  
Аль тӱ эн лыддывлӱй приказ!  
Аль колӱ кӱдзыд гидӱ нуны,  
Мед пиньыд сӱнӱ вӱчис ляз!..

**Домна.**

Не ӱнӱ кӱ, кор радейтчыны!  
ӱд властьыс асланым — бӱр важ.

**Сергей.**

Не ӱнӱ кӱ, кор радуйтчыны!  
Кор сетны сьӱлӱмьяслы гаж!

**Домна.**

Ми сӱдз нин тӱралӱм, кор танӱ  
Сӱветьяс вӱлисны.

**Сергей.**

Сӱк пыр  
Быд вӱськолын ми полӱм танӱ.

**Домна.**

Дзик ад кодъ вӱлис оландыр!

**Офицер.**

**Ті кодьяс лоанныд!**

**Сергей** (мыччө бумага).

**Со гижөд.**

**Сэн висьталёма, кодьяс ми.**

(Офицер босьтө бумагасө да карманной фонарик улын лыддьө. Сэк сылы Домна бытшкө баябөжас, а Сергей отсалө помавнысө. Офицерлысь босьтөны планшетсө, документьяссө, оружиесө, а шойсө кыскөны посводз улө да петөны кильчө улысь.)

**Домна** (нерө офицерөс).

**«Ті кодьяс лоанныд!!»**

**Сергей** (индө офицерлөн шой вылө).

**Со гижөд.**

**И ставлы яснө, кодьяс ми.** (Штаблань.)

**И тиянкөд тадз лоас ставкөд.**

**Домнакөд өттшөтш.**

**Бөр ассыныд он нуёй юр.**

**Важ стрөйлы сетөма отставка,**

**Бөр сувтны подулыс оз сюр!**

(Сергей котөрөн мунө белогвардейскөй штаб дорө да кывзысьө восьса форточка пырыс. Сэтчө жө локтө

**Домна.)**

**Сергей.**

**Тэ кылан, Домна!**

**Домна.**

**Ставныс кодось**

**И зультөны сэн, быттө сход.**

**Сергей.**

**Час!.. Латкин Прокушевөс видө,**

**Тась мыйла пө эн лылы сброд!!**

**Став арестантыс, сідзкө, ловья**

**И складын виччысьөны мезд.**

Д о м н а.

Мед сэнi томаныс эз бовьяв,  
Дзик пыр жö колö босьтны грезд.

Сергей (первой индö шуйгавыв, а сэсса веськыдвыв).

Отрядным пырас складьяс дорсянь,  
А сетам сэтысянь сигнал.  
Сэк Латкин арталöмнас сорсяс  
И сöпнас сьöмдас, кыздз шакал.

Д о м н а.

Тэ мунан кодарас!

Сергей (индö веськыдвыв).

Ме татчö.

Мед врагöс ылöдны. Ме сэн  
Вөр бердас эсчö гусьон лэчча  
И кута резны,— морт оз вен.

Д о м н а.

Сергей!..

Сергей.

Эн пов: мен тайö тöдса,  
Ог вошты некор ассьым лов.  
Ме динö туйыс смертьлөн пöдса,—  
Фронт вылын сёйи кызь пуд сов.

Д о м н а.

Сергей, тэ меным кутшöм муса!  
Тэ гөгөрвоны верман он!  
Дась лэбны тэ динö ме юсьон,—  
Сергей, тэ тöд: тэн абу дон!

Сергей.

Мый сыысь мен? Ме абу вуза,—  
Сидз сета сьөлöм тэн и лов.  
Ме тэнö нинöмөн ог удзöд,—  
Ме тэкöд нинöмысь ог пов.

Д о м н а.

Ме дась жö мунны, көть мед кытчö,  
Көть сэтчö, ломалö көн ад.

**Сергей.**

Кор радейтан, сэк ставыс сетчө,  
И овны му вылас зэв рад.

**Домна.**

О радейтчөм, тэ кутшөм мича!

**Оттшөтш.**

Тэ сывдан лым и көдзыд йи.  
Тэ сывъяд шонді югөр видзан,  
И сылысь резан югыд сі.  
Но миян муслун чужис сэки,  
Кор гөгөр бушков — сэн и тан,  
И оз тыдав югыд светыс,—  
Му резсьө вылө, кыз фонтан.  
Мед резсьө сійө,— миян муслун  
Оз пемдыв некор,— өзъяс пыр.  
Тыш биын чужөмлы не кусны,  
А гажөдны век оландыр!

**Сергей** (кутлө да окалө Домнаёс, а сэсса  
өвтө кинас).

Тэн шуд ме сия!

**Домна.**

Аслыд тожө!

Ло осторожной, асьтө видз.

**Сергей.**

Эн пов: ог кеж ме шог туй вожө,  
А кежа кө, ог прөста сідз.  
Но, аддзысьлытөдз!

**Домна.**

Аддзысьлытөдз!

Удача сия тэныд ме!

**Сергей.**

И сия сійөс аслыд сідз жө,—  
Удача медым лоас век!

(Отта-мөдныслы өвтыштөны киясөн и муноны. Домна — шуйгавыв, а Сергей — веськыдывыв. Пессьө лёк

төв да гартө лымсө. Орлассьом кымөрьяс костөд ты-  
довтчылөны пөртмасьысь кодзувьяс да югыд төлысь.  
Сценаыс недыр тыртөм, а сэсся штаб кильчө вылө  
пальөдчыны петө неуна гажмөм Прокушев).

**Прокушев** (нимкодясиг ывланас).

**Пурга, пурга!**

**Став олөмыс — пурга.**

**И сәні венө сәтшөм төвныр,**

**Код мунө, кызди ыджыд ураган,**

**И ва вылын он лысьты пыжө сөвны.**

**И мян ураганлөн выныс ёи,—**

**Өд ми дор сулалө став Рытыв.**

**Оз кутчысь мян водзын ниптөм пон,—**

**Сөветьясөс ми босьтімөй**

**Көрт клещи кытшө.**

**Ми босьтім найөс, пузувтам, и юр**

**Оз лэптыны нин некор,— морт оз ловзьөд.**

**Сэк вөлись мян олөм лоас бур,**

**И керка пытшкө пырны шуд оз повззы.**

(Веськыдвылын югнитө Сергейлөн сигнальной ра-  
кета. Прокушев паськөдө синьясө, чуймө.)

**Мый лоө тайө!**

**Кызд гөгөрвоны мен!**

(Котөртө улича шөрө. Ракета кайө мөдысь, коймөдысь.)

**Ракета!! Боевөй сигнал!!**

(Кыскө пистолетсө да куимысь лыйө вылө.)

**Тревога!**

(Штабысь котөрөн петалөны белогвардеецьяс.  
Петө и Латкин.)

**Ружье!**

(Офицерьяс котөртөны асланыс салдатьяс дорө.)

**Латкин.**

**Мый лоис друг!**

**Прокушев.**

**Дзуг делө, дзуг:**

**Сән гөрдьяс локтөны,—**

**Ракета качө вылө.**

## Латкин.

**Дзик пыр жö  
Жар биён пöдтыны!**

(Чукöртчöны салдатъяс, офицеръяс.)

**Прокушев** (офицеръяслы).

**Враг локтö тасянь. Колö пыр жö  
Сикт помö мунны, зырны сэсь.  
А тэныд жö, поручик Пыржев,  
Мед кадтö коллявны не весь,  
Салдатъяс босътны — куим мортöс,  
Пыр мунны склад дорö да сэн  
Рöщöt став коммунистлы сетны,  
А бöрас доложитны мен.**

(Прокушевлы ставныс кöзырнитöны да мунöны индём направлениеö. Прокушев тэрыба пыралö штабö. Пельпомъяс вылас чöвтö шынель да револьверсö кыпöдöмөн котöртö веськыдыв, наступайтанінлань. Латкин сулалö туй шöрын — оз тöд, мый вöчны. Сэсся пыралö штабö, пасьталö низь ку пасьсö да петö бөр. Сийö кöсйылö мунны коммунистъясöс лыйланинö, но казялö, мый куим салдат да офицер Пыржев котөрөн бöрынтьчöны, а на бöрся вöтчöны гөрдыяс да лыйлöны, кыскö кобурасьыс пистолет да кöин моз дзэбсьö штаб картаö. Сцена вылын тыдовтчöны куим белогвардеец, накод офицер Пыржев, а сэсся гөрд командир Маегов, Домна, гөрд салдатъяс, мездём коммунистъяс.)

**Маегов** (еджыдыясöс вöтöдигөн).

**Он пышйы ылö!** (Маузерысь лэдзö очередь. Куим белогвардеец усьöны.)

**Домна.**

**Стерво чукөр!** (Тожö лэдзö очередь. Белоофицер Пыржев усьö.)

**А-а, воис пом! И мöдысь тöд!..  
Со налөн штабыс. Самöкурөн  
Сидз öвтö — дуксьыс тшук он пöд.**

(Кылö пулемётлөн таргём шы.)

**Маегов** (зырөдө штабө, а сэсса штаб  
кильчө вывсяньыс).

**Ті, ёртыяс, мунёй, мунёй водзө,  
Мед кырымысь оз пышйы зверь.  
Победа абу на, эн коддзөй,—  
Мед тышын сьёлөм эз вөв нэр!**

(Ставөн зырөдөны водзө, а Маегов, Домна да  
некымын гөрд салдат пырөны белогвардейскөй штабө.  
Здук мысти найө петөны бөр. Кылө пулеметьяслөн  
таргөм, винтовкаясысь лыйсьөм.)

**Домна.**

**Пон чукөр! Пышйөмны...**

**Маегов.**

**Но татысь  
Оз мунны ылө. Некор оз!  
Ог ворсөй накөд тані мачысь,—  
Кор мунө тыш, те порок — кос.**

**Домна** (котөртө улича шөрө да видзөдө  
бой мунанінлань).

**Ёрт командир! Отрядным косө:  
Враг личкө сэн...**

**Маегов** (тожө котөртө улича шөрө).

**Эн полөй ті!..**

(Белогвардейскөй штабысь коммунист, кодлысь  
гөтырсө лыйис Микол, петкөдө станкөвөй пулемёт.)

**Коммунист.**

**Мед кырныш чукөр вирөн восө,  
Ми пулемётысь восьтам би!**

**Маегов.**

**Вот молодец! Пыр колө тадзи.  
Мый аслад абу, враглысь босьт.**

(Индө штаблы воча кильчө вылө.)

**Со эстчө кайөй. Буря раддзөй,—  
Мед кось кө вөлі, прамөй кось.**

(Домна да коммунист кайөны штаблы воча  
кильчө вылө да восьтөны белогвардеецъяс кузя пуле-  
мөтнөй би.)

## Д о м н а.

Коть вынным этшаджык, но венам,—  
Зэв бура сёрнитö «Максим».

**К о м м у н и с т** (личкö гашетка вылö).

Лög лэдзны воис кад и меным,—  
«Максим», быд пежлысь чышкы ним!  
Пöщада кöиньяслы абу,  
И сійö некодыр оз ло.  
Мед миян шондіасяс кобув,  
Мед татчö сэсся смерть оз во!

З а н а в е с.

## К О Й М Ö Д А К Т

### Н Е Л Ь Ö Д С Е Р П А С

Усть-Сысольск. Декорацияыс сэтшöм жö, кутшöм сійö вöліс первой актса мöд серпасын. Быд соборын, кылö, бовгöны кöлököльяс. Улича вылö петöмаöсь зіб йив спасьясөн купечьяс да мещана. Найö встречайтöны «губернятöм губернатор» Степан Латкинöс. Медся водзын купеч Жеребцов да поп. Попыс кутö аслас кийн зарни крест, Орччөн новлöдлöны сылы вежа ва тыра доз. Жеребцов вайö зарни поднос вылын символическöй нянь-сов. Нянь кöрыш вылас— Роч мулön царь кадся ичöтик государственнöй флаг.

П о п.

Яко, сказал бог: «Будь день»— и стал день:

Сияйтö шонді честному люду,—

Очищен наш стольный Усть-Сысольск

от дьявола —

Вступает освободитель,

Посланник бога и всея Руси,

Губернатор Вологодской губернии

Степан Иосифович Латкин.

(Петкöдчöны низь ку пая Латкин, Прокушев, налön свита, белогвардейскöй салдатьяс, Микол кийн знамя.)

Многая лета, многая лета

Степан Иосифович Латкинлы!

## Хор.

Многая лета, многая лета  
Губернатор Степан Осипович Латкинлы!

## Латкин.

Госпожая! Господа!  
Ен тшөктөм серти бөр ми воим  
Рөднөй ас карө, Усть-Сысольскө.  
Ен отсөгөн ми врагөс лойим,  
Эг вөчөй сөмын нельскөб.  
И миян доблестнөй войска не сөмын тани —  
Сибырын, лунвылын и рытиввылын —  
Дзик быдлаын победнөй воськовьясөн мунө.  
Чукөртчөмъяс (кодсиорө чөвтө пернапас).  
Мед сетас ен,  
Мед сетас ен!

## Латкин.

Победа найө шедөдасны. Да, кыв шутөг.  
Сөветьясөс ми путкыльтам. Сэк Русь  
Бөр лэптас вылө ассьыс куим рөма знамя,  
И сэсся сийө некор нин оз усь.  
Ми абу өтнаным — Европа ставнас микөд.  
Цивилизация! Аль сийө абу вын!!  
Америкаын Вильсон мыччө кисө,—  
Сөветьясысь ми колям сөмын тшын.  
Ас чужан муса войтыр, чойяс, вокьяс,  
Пось чолөм тиянлы да овны ыджыд шуд!  
Ас карө бөр ми сьөкыд туйөн локтім,  
Но сэсся енежным оз пемдыв, оз по руд!

(Гора аплодисментьяс. Йөз чукөрын өткымынъяс горзөны: «Виват! Виват!». Латкинлысь топөдлөны кисө, кутлөны да окалөны асьсө, а сэсся качайтөны: «Ура! Ура!». Качайтөм бөрын Жеребцов сылы сетө символическөй нянь-сов.)

## Жеребцов.

Зэв ыджыд аттьө тэн и муөдз копыр,  
Мый асьыд вокьястө эн вунөд, вайин мезд!  
Кузь нэм тэн сиам ми! Мед тэнад котыр  
Успехөн водзө мездө сикт и грезд!

## Х о р.

Кузь нэм тэд сиам ми! Мед тэнад котыр  
Успехон водзё мездё сикт и грезд!

## Ж е р е б ц о в.

Тэн шуд и слава, вермём сиам ми!  
Примит пöдарок скромнойс тэ мисянь,  
Мед лоас олём няньон-солон тыр,  
Мед совмө-ёнмө обновлённой Русь,  
Мед бырө татысь большевизмөн висьём!

Л а т к и н (босьтö нянь-совсö).

Зэв ыджыд аттьö тiяны, зэв ыджыд аттьö,  
Мый доньяланьыд менсьым скромной удж.  
Служита чужан мулы, кызди кужа,  
И кута служитны да нуодны ён тыш,  
Мед большевизмлысь бырөдны тась вужьяс.

## Х о р.

Слава! Степан Осипович Латкинлы слава!  
Кузь нэм, бур шуд да слава!

(Латкин да сылөн свитаыс, купечество да именитöй йöз  
пырöны вöвлём Ревкомö. А улица вылын пыр на  
горзöны:

Виват! Виват!

Кузь нэм, бур шуд да слава!

Степан Осипович Латкинлы слава!]

## ВИТÖД СЕРПАС

Ыджыд зал. Пыдиас, стеклöалём вежös сайын, озыра  
вевттьём пызаньяс. Латкин, сылөн свитаыс, купече-  
ство, духовенство да именитöй йöз пируйтöны.

Кыпыда ворсö музыка. Залын да маяс, платье бöж-  
ныс öвтыштчöма йиртöдзыс, вальсируйтöны бело-  
гвардейскöй кавалерьяскöд. Медся долыда  
вальсируйтö Маруся.

М а р у с я (вальс шыяс улö).

Лöнь Сыктыв дорын,

О ф и ц е р.

Көн веж бадьяс.

**Оттшөтш.**

Быд тулыс лэдзёны веж кор,

**Маруся.**

Кён шөпкөдчёны кыддза садьяс,

**Оттшөтш.**

Выль олём ньёти абу нор.

**Маруся.**

Ой, тэ, менам сьёлёмшөрөй,  
Окышт менё,— корё лов.

**Оттшөтш.**

Сёмын өні сьёлём кылё,  
Мый эм му вылын любовь!

**Маруся.**

Ми тэкөд быдмим.

**Офицер.**

Сыктыв дорын,

Зэв лосьыд кывтіс оландыр.

(Сайса вежёсысь локтё Латкин, пуксьё водзвыв лосьөдём креслёө, сцена шуйгаладорё. Маруся вунөдө офицерсө да дзирнясьё Латкин водзын.)

**Маруся.**

Коть шудным дзугсьыліс, тшук орліс,

**Латкин.**

Но өні сійё тась оз быр.

**Маруся (Латкинлы).**

Ой, тэ, менам сьёлёмшөрөй,  
Окышт менё,— корё лов.

**Латкин (сувтё да Марусякөд өттшөтш).**

Сёмын өні сьёлём кылё,  
Мый эм му вылын любовь!

(Поднос вылын вайёны Латкинлы вина тыра бо-  
кальяс. Латкин ётиёс босьтё аслыс, а мёдсё мыччё  
Марусялы.)

Латкин.

Маруся, юышт кыпид васё,—  
Тэ вёсна съёлём шогсис дыр.

Маруся.

Зэв ыджыд аттьё, губернатор!  
Ме тэнё виччыси жё пыр.

Латкин.

Ме вои бёр и тась ог мун нин,—  
Ёд меным муса чужан му.  
Оз пемдыв сэсся миян лунным,  
Яр шондисё оз вевттьыв ру.

Маруся.

Ме вывтё рад, збыль тадз кё лоё,—  
Ёд полёс съёлёмным — кызд из.

Латкин.

Мужик мый властяс гёгөрвоё!!

Маруся.

Куш сёмын лёвтё: «Коммунизм»!

Латкин.

А олёмыс жё — киссьём кёти,  
И пызан вылас — нянь ни сов.

Маруся.

А ми жё еджыд нянь век кётам,  
Кёть найё перяисны тан лов.

Латкин.

Маруся, менам югыд кодзув,  
Тэ пыр на важ кодыд. Вай ю.

Маруся (босьтё бокалсё да лэптё вылө).

Кор ставыс бур, вина оз коддзёд.  
Мед вольной лоас Коми му! (Юё.)

### Л а т к и н.

Мен муса нывбаба, кор сійө  
И ыджыд бушколын оз вош,  
А садьсө күтө крепыд кыин  
И кужө веськөдыштны горш.  
Код тайө му вылын эз юлыв,  
Аль коркө пөстуйтлінныд ті!  
Оз вермы некод тайөс шуны,  
Честь вөчам Бахуслы и ми. (Бокалсө лэптө вылө.)  
Сідз вөчөма нин ачыс енмыс:  
Көн Бахус, сәні шуд и гаж;  
И дорвыв сәки съывсьө тәныд,—  
Пыр югыд сәки енэжтас. (Юө.)

### М а р у с я.

Көн Бахус, сәні югыд тулыс,  
Сәні йөзлөн радлун и любовь.  
И гысө нуө ытсьөм юлысь  
Став йөзлөн кыптөм, бордья лов.

Л а т к и н (вылө кыпөдө тыртөм бокалсө).

Мед олас Бахус, коді йөзлысь  
Быд висьөм бурдөдө и шог,  
И вештө юр весьтысь ён грөзлун,  
И олөм гажөдө быд ног!

### М а р у с я.

Мед олас мияи ыджыд муслун,  
Пось чувствояслөн ытсьөм ю!

### Л а т к и н.

Мед олас нывбабалөн пөсьлун,  
Мед некор пөрысьлун оз су!

(Пырө мужскөй паськөмө вөччөм да неыджыд уска  
Д о м н а.)

### Д о м н а (Латкинлы).

Лэдз, господин начальник,  
Мен висьтавыны.

### Л а т к и н.

Да, да.

**Д о м н а.**

Ме öнi ывла вылысь дзик,  
И карын пыр на беспорядок:  
Общественной кооперативысь  
Кöть новлöмны нин пöшти ставсö,  
Нель öшинь жуглалöмны бара  
Да нуöмны тöвар зэв уна.  
Ме аддзылі ас синмөн ачым.

**Л а т к и н.**

**Тöвар! Общественной кооперативысь!**

**Д о м н а.**

Да, да.  
Ме аддзылі ас синмөн ачым.

**Л а т к и н.**

**А кодi тэ!**

**Д о м н а.**

Иван Титов —  
Тшук сiйö, пароходад тэныд код,  
Архангельскад кор мунiн,  
Кыз чемодантö пыртiс.

**Л а т к и н** (видзöдö **Д о м н а** вылö, зильö уськöдны тöд  
вылас).

Ах, да. Тэн аттьö! Меным сэк  
Тэ бурöс вöчин. Ыджыд аттьö! (Прокүшевлы.)  
Штабс-капитан! (Локтö Прокүшев.)  
Тэ кывлiн!

**П р о к ү ш е в.**

**Мый!**

**Л а т к и н.**

**Босьт карандаш да гиж.**

(**Л а к е й** вайö ичöтик гöгрöс пызан да улöс. **П р о к ү ш е в** пуксьö **Л а т к и н**лы воча да гижö, а **Л а т к и н**  
диктуйтö.)

«Всякое хищение имущества — частного, общественного и казённого (бывшего советского) будет рассматриваться как воровство и грабёж. Посему виновные будут рассматриваться со всею строгостью законного русского государства».

**Гижин эн!**

**Прокушев.**

**Гиж. Да.**

**Латкин.**

**Гиж водзö:**

«Незаконно взятое в последние дни имущество: продукты, масло, чай, сахар и прочее и товары — кожа, мануфактура и другие предметы первой необходимости из складов бывших советских учреждений и организаций немедленно должно быть возвращено по принадлежности».

**Гижин эн!**

**Прокушев.**

**Гиж. Да.**

**Латкин.**

**Гиж водзö:**

«Мною предприняты меры к восстановлению всех правительственных и общественных учреждений в городе, работавших до советского владычества».

**И гиж ещö:**

«Все бывшие ответственные работники советских учреждений, находящиеся в городе, должны немедленно явиться ко мне».

**Гижин эн!**

**Прокушев.**

**Гиж. Да.**

**Латкин.**

Подпись — «Начальник Вологодской губернии  
С. Латкин»\*.

**Гижсис эз!**

**Прокушев.**

Да, Эм. Готов.  
Со кырымалой.

**Латкин** (босьтö да кырымалö).

Сет шарикограф вылö, мед сэнi  
Дзик пыр жö лэдзасны лист сё.  
А сэсся öшöдлöй быд стенö,  
Мед бöрас норасьöм эз ло. (Прокушев сетö  
приказсö печатайтны.)

Код гусясьö, ог награждайтöй,  
А веськалас кö — рельö! (Кост.)  
Да, кыз водзö мунö наступайтöм!

**Прокушев.**

Тась, матысь, весалiм быд пельöс  
И босьтiм Лöзым, Мунам водзö.  
Отряд оз сувт.

**Латкин.**

Зэв бур! Вай тэрмась, кыздзи позьö,  
А то капут.  
Мог — аски Визингаö воны.

**Прокушев.**

Ми зiлям, пуктам вын.

**Латкин** (зепсьыс кыскö да Прокушевлы сетö бумага).

Со донесенье. Лыдды сiйöс  
И сэсся бура тöд,  
Мый Маегов сэн тэныд сiйö,—  
Том нывка тани гöрд.  
Тэ кылан! Каликова Домна —  
Разведчица зэв сюсь.

\* Кавычкаясö босьтöма Латкинлысь подлинной приказ (Ф. Щ.).

**Прокушев.**

Оз зільны медым сэнї ёна,—  
Ме төда Домнасё, ог узь.  
Ми сійёс кутам,— сета индёд,—  
И лосас сылы пом.  
Ми гөрдьяс вынйөрысь ог виньдөй,—  
Оз личав миян фронт.  
Ме сэтчө ачым муна пыр жө...

**Латкин.**

Зэв лөсьыд. Вывті бур!  
Ми тэнө та вөсна ог мыждөй...

**Прокушев.**

Дыр Маегов оз дур!  
Ми аски кучкам, босьтам Паджга,  
А сэсса сэнї ыб.  
И водзө — Визингаё чажгам...

**Латкин.**

Зэв бур! Эн колляв рыт.

**Прокушев** (щолкнитө каблукъяснас).

Эм сөвны вөв вылө. Ме сиа  
Тэн вермөм тан и шуд! (Мунө.)

**Латкин** (кольөмъяслы).

Ті кывлінныд, кыз миян  
Удж мунө! Морт оз кут!..

**Жеребцов да мукөд.**

Мед сетас ен,  
Мед сетас ен!

**Маруся** (петө йөктыны).

Усть-Сысольскөй улича, улича.  
Доли-шели, доли-шели.  
По-городски улича.

**Ставөн.**

Сэтчө мича ныв волө, ныв волө.

(Домна локтö Маруся дорö, босьтö киöдыс да  
йöктö тшöтш.)

Доли-шели, доли-шели.  
Ныв дорас и зон волö.

Маруся.

Волас, синнас гöрыштас, гöрыштас.  
Доли шели, доли-шели.

Домна.

Чорыда и гöрыштас.

Ставöн.

Нылыс шуö зонмыслы:

Маруся.

Сьöлөмшөр,—

Ставöн.

Доли-шели, доли-шели,—

Маруся (Латкинлы).

Мелі синьяснад эн гөр.

Ставöн.

Тэнö сідз нин радейтö, радейтö.

Доли-шели, доли-шели.

Тэнö сідз нин радейтö.

Маруся (Латкинлы).

Тэнö сідз нин радейта, радейта.

Доли-шели, доли-шели.

Сідз нин пöся радейта.

(Домна петö озыра вевттьöм пызәнъяса вежосö,  
мыйкö сэтысь босьтö да сөйö, а сэсся шкафысь кватитö  
кутшöмкö бумагаяс да утөвтö-мунö.)

Жеребцов.

Мария Петровна, зэв лöсьыд!

Тэ сылан, кыдзи соловей.

Сідз быд движенье кужан вöчньс,

Мый орö видзөдиг син вей.

## Латкин.

Тэ, Маруся, кыздз Геката,  
Код аснас койö тöлысь мич,  
Кор сэнi карнанöн ва катö  
Да сэтысь талаялö веж видз.  
Геката, Геката, Геката,  
Восьт меным ассьыд шоңыз сыв!  
Зэв визув ва вывтi ме ката,  
И тэнад сывйын мудз ог кыв.  
Геката, Геката, Геката,  
Эн кöдзöд мен тэ шоңыз сыв!

Маруся (кутышtlö Латкинöс, оқышtlö да бара петö йöктыны).

Зон-зон, мича нывъяс,  
Зон-зон, муса нывъяс  
Купайтчисны.  
Сэн вöлі тшöтш накöд  
Зэв лöсьыд Геката,—  
Прöзевайтiсны.  
Сöдз ваас тюль-пырас,  
А купайтчöм бöрас  
Прöстудитчöма.  
Тюль-тюль ваас пырас,  
А купайтчöм бöрас  
Прöстудитчöма.

(Сыввъяссö паськөдö да нöшта на збойджыка петö йöктыны. Пансьö ыджыд хореографическöй дивертисмент. Йöктiгчöжыс лакей ваялö Латкинлы вина. Юö сiйöс Латкин, глöтайтö и Маруся, кодi ассьыс став мичлунсö Латкинлы и петкөдлö. Помас ворсöны вальс.)

## Маруся.

Зэв ыджыд страстьöн морöс пуö,  
И шондi рöмөн ворсö вир.  
Оз, тайö гажсö морт оз гуав,—  
И морт оз пемдöд лунлысь дзирд.  
Ой, тэ, менам сьөлөмшөрöй,  
Оқышт менö,— корö лов.  
Сöмын öнi сьөлөм кылö,  
Мый эм му вылын любов!

## Ставён.

Сёмын öнi сьёлём кылö,  
Мый эм му вылын любов!

(Сцена сайын, Латкин лөн кабинетын, кылö взрыв. Маруся повзьö да усьö, а Латкин сулалö шöйö-вошöмөн — оз тöд, мый вöчны. Сэссия веськöдчö сэтчö, көн вöлис взрывис, но öдзöс дорын паныдасьö лакей.)

## Лакей.

Ме муртса ловъя. Сидзи сетiс!..  
Но век жö кулöмысь эг пов:  
Ме сiйö комнатаö петi,  
Көнi тiян спальняныд, и со  
Бумага лэбзьöма — мен сюрис.  
Сэн гижсьö: «Латкин, тэ эн пов:  
Зэв бура лэбзяс тэнад юрид.  
Пось чолём тэн!

Иван Титов».

## Латкин.

Ме эски, кодыр донесенье  
Мен вайисны, мый збыльысь ныв  
Тан көнкö шöйтö, корсьö менö,  
А со код дасьтылöма взрыв!  
Титовöс корсьны, кутны сiйöс.  
И татчö вайöдны дзик пыр.  
Ме сiйöс виа аслам киён,  
Мед менам сьёлём лоас тыр!

Занавес.

## КВАЙТÖД СЕРПАС.

Декорация пöшти сэтшöм жö, кутшöм вöли водзвывса серпасын. Ыджыд зал, сэнi сулалö кузь пызан да письменнöй стол, кодöс пунктöма «Т» сямаөн.

Кабинетын Латкин öтнас. Сiйö низь ку пася, шапкатöм, луйкысьö пызан йöрас да видзöдö öшиньясьö — думайтö, колис-ö кад пышйыны.

## Латкин.

Орловос вийома. Став коляс сылон,  
Кызд козяинтом овмосын ыж стад,  
Бор пышйо Эжва боковысь Мезень выло,  
И Прокушевлон борынтчо отряд.  
О тэ, фортуна! Кызди ворсны верман.  
Йоз олом вылын! Ме — паяц.  
Ме — шут, и йозлы гылыд серам,—  
Дзик векняммис военной менам плац. (Кост.)  
Эз, эз! Тась Кельтма пыр ме Пермо муна,  
Сибирю, коні адмирал Колчак.  
Код шуас, мый сэн эрдыс абу уна!  
Код шуас, мый оз борынтчы сэн враг!  
Ми сийос нырыштам, бор воам татчо  
Да вылысь лэптам куим рома флаг,  
И сэсса сийо нэмсө тані өвтчас  
И нэмсө гажодас веж сывья коми яг.

(Пырö Микол, а сы борся — шогö вийом, нор чужо-  
ма Маруся. Маруся сувтö одзос дорас, колыр-  
тö юрсö,— полö воськовтны водзö.)

Микол.

Вашбродь!  
Штабс-капитан мен тшöктис висьтавны,  
Мый карос сийо колис.

Латкин (паськодö синьяссö).

Кызд колис!

Микол.

Пышйис тась и колис.

Латкин.

А имущество?

Микол.

Ог тод. Вай тэрмась. (Котөрөн петö.)

Латкин.

Вот рök!  
И лолыштнытö кадсö тэн оз сет.

(Видзödö öшинь пыр.)

Быд уличод отряд галопон муно.

## Маруся.

А мен мый вöчны тан! Ой, дзикöдз воши!

Латкин (казялö Марусяöс).

Ах, тэ!.. Ах, тэн! (Аддзö лакейлысь фуфайкасö да нетшыштö тувйысь.)

На, пасьтав: тövзям Усть-Куломö. (Маруся тэ-рыба пасьталö. Латкин кватитö сийöс ки пöлöдыс да пышйöны.)

Ми татчö воам ещö бөр!

(Сценаыс недыр тыртöм, а сэссия корöсьөн пырö лакей.)

Лакей.

Но, слава богу: весасис тась барин.  
Кад воис сылысь... Кок туй мед эз вöv!

(Чышкалö)

Дзöнь кык вежалун олiс Сыктивкарын,

Но век жö еджыд вöv вылö эз сöv.

И туйыс сылөн öттöммас на водзö:

Народыс сувтö паныд, кыз стена.

А сийö — багатыр, код личкыштас кимöддзөн —

И Латкин ратысь кольö... Дубыд ва.

(Чышкалöмсö помалö да кöсийö петны, но пырöны Домна да Сергей.)

Домна.

Көн Латкин-барин! Пышйис кытчö?

Лакей.

Эн юась весьшөрö — оз сюр:

Дзöнь куим вöла доддьö сöвтчис

Да Эжва катыд нуис юр.

И кок туйсö тась чышкалi нин ме,

Эз тöдчы некор мед...

Зэв лöсьыд дзодзөг вөлöм, бур,

Мед усяс сылөн юр!

Тан олiс, гажöдчис, пыр юис...

Сергей.

И!...

### Лакей.

Фуфайкаос тшотш нуис.  
И пет коть оні ывлаад тэ мыйон.  
Мед морыс сійос лыйо!

(Домна да Сергей сералоны нюклясьомон.)

### Домна.

Ха, ха!.. Ой, кула. Дзикодз кула ме.  
Но, кыз нө татоні он серав!  
Лакейлысь барин нуо кышан,  
Фуфайкашой — сө ротон дасысь кышом!

### Лакей.

Коть керенка мед шыбитіс, но эз,  
А додь тыр кыскис сьорсьыс.  
И мед. Оз ёнмысылон орбм вез,—  
Не петны сылы некор Эжва йывсьыс!

### Сергей.

Тэ прав. Оз пышйы миян кыись,  
Коть зильё ёна.

### Домна.

Миян лөг  
Бок сылысь шонтө жарджыка на биись,—  
Ми лэдзам сылысь гос и тшөг!

### Сергей.

И миян Коми му свободной лоо.

### Домна.

Сэк озьяс шудлон шонді  
Дзик быдлаын. И сійо часыс воо.  
Вын миян — морт оз конды! (Чукортчоны йоз.)

### Йоз.

Талун долыдырысь сывсьө,  
Бытьё бордья миян лов.  
Мездлун воис Сыктыв йывсянь,—  
Сөмын радлы, сөмын ов.  
Слава тіянлы, бур пиян,—  
Мездінныд ті чужан кар.

Тіянлы ми кузь нэм сиам,  
Тыртны сиам ми сё ар! (Пырö Маегов.)

Маегов.

Водз радлыны, бур ёртыяс,—  
Эз помась на ён тыш.  
Кöть Сыктывдинöс босьтім,  
Но враглөн ёсь на гыж.  
Враг Эжва катыд төвзис,—  
Сэн еджыдъяслөн поз.  
Мед налөн вын эз ловзыы,  
То колö бушков моз  
Пыр мунны водзö, нöйтны,  
Не сетны шойччан здук.  
Сэк вöлись дугдас шöйтны  
Пеж кöиньяслөн дук.  
Бур ёртыяс, водзö, бойö,  
Мед öзйö сылөн би  
Да мича югөр койö,—  
Тыш нуны чужим ми!

Ставөн (лэптöны оружиеяс).

Бур ёртыяс, водзö, бойö,—  
Тыш нуны чужим ми!

Занавес.

## НЁЛЬÖД АКТ

### СИЗИМÖД СЕРПАС

Войся вөр. Паськыд чиръясөн усьö лым. Сцена шöрын  
мыльк. Сайтыс сійöс кытшалö сцена вылö петысь туй.  
Мыльк йылын, паськыд лапъяса коз улын, засадаын  
пукалöны М и к о л да мөд белогвардеец Ё г о р. Бөръяяс  
юыштöма ёнджыка, пунктöма винтовкасö пидзöс вылас  
да вугралö, а М и к о л, неуна довъяліг, ветлөдлө öгарö  
мөдарö да видзөдö. Сылы дышöдö кыйöдчыны да летö  
другсö.

Микол.

Эй, шкорган сэн! Эн шкоргы:  
Тан колö син да син. (Бара летö.)

Эн узь! Тадз кытчö шогмас!  
Эн кывлы тэ важ висьт!

Ёгор (тільö синъяссö).

Мун вешйы сэсь, эн гөлчит!  
Сет узыны,— торкин вöt.

Микол.

Ого! Став сьөлём вөрзис,  
Мый вötнад лоан пöt!  
Тэ кылан!

Ёгор.

Мый!

Микол.

Да кык тув вый!  
Со локтö доддя вöла.

Ёгор (чеччö да видзöдö, но нинöм оз аддзы да  
Миколлы мыччö самöкур тыра фляга).

На, глötнит лучше — юрад мунас,  
А сэн эн сör — он кый!..

(Микол сельöдыштö, восьтö да юö, а сэсья флягасö  
сетö бör.)

Микол.

Зэв чöскыд! Босьт да ачыд шонтысь,  
А то войыс кузь.  
Со менсьым ки-кокöс нин ёнтö...  
Ю, но тэ эн узь.

(Юö и салдат. Кыкнанныс гажмöны. Микол пуксьö  
да унмовсьö, а другыс видзöдö туй вылö да кывзысьö.  
Друг сийö мыйкö кылö.)

Ёгор (летö Миколöс).

Эй, Микол! Збыльысь локтö вöла.  
Вай чеччышт, эстчö, кут.

Микол (тэрыба чеччö да видзöдö, а сэсья чеччыштö  
мыльксайса туй вылö).

Эй, тпрусень\*, бурситö эн дölöd,  
Эн рöдты сэн, а сувт!

\* Тпрусень — вöв.

Г о л о с.

Мый колö тэныд! Тпру-у.

М и к о л.

Эм пропуск! Документ!

Г о л о с.

Фу, кызди самöкурөн пöдтö!

Мый документсьыс тэд!

М и к о л.

Приказ. Тэ кодi! Кытчö мунан!

Г о л о с.

А водзын кутшöм сикт!

Ме Аныбö. Ме — Нестерова.

М и к о л.

Ог тöд. Тэ докажит.

Г о л о с.

Со гижöд. Аддзан! Лыдды сэтысь.

М и к о л (другыслы).

Эй, Ёгор!

Ё г о р.

Катöд сэсь!

М и к о л (катöдö, а нылыс — Домна).

Код тайö гижöдсö тэн сетiс!

Д о м н а.

Код! Цвикин.

Ё г о р.

Сöран весь!

М и к о л (лыддьö гижöдсö, а Ёгор югдöдö фонарикөн).

«УДОСТОВЕРЕНИЕ»

Сие дано гражданке села Аныб, Усть-Куломской волости, Усть-Сысольского уезда, Вологодской губернии Нестеровой Агрофене Петровне в подтверждение того,

что ей действительно разрешен выезд к родственникам из Аныба в Подъельск и обратно.

Начальник гарнизона — Ц в и к и н».

**Ёгор.**

Зэв сюся гижёма, но век жё  
Тан лөжнөй кырымпас.

**Домна.**

Ті йөйминныд! Эн сөрөй, кежөй!  
То рака сералас.

**Микол** (пөнар югөрнас веськөдө Домна чужөмланы).

А тэ случайнө Усть-Сысольскын  
Сы лунө, кор Ревком  
Отряд сэн котыртис... но, партизанскөй...  
Эн гөрдьяс пөвстын вөв!

**Домна** (тшук повзъыштлө, но асьсө бөр босьтө киас).

Тэ мый! Дзик код!  
Эн лөсьөдлы вай сэні!  
Эг ветлыв ме нэм чөж  
Подъельскыс водзөджык.  
И мыйла!

**Микол.**

Кык тув выйла!  
А клятвасө нө коді сэні сөтис,  
Мед еджыдьясөс нөйтны!  
Он ылөд менө! Төді тэнө, стерва:  
Тэ — Каликова Домна, партизанка.  
Тэ өні миян кырымысь он мын!

**А ноко восьлав!** (Домналы йөткыштө сьылі тшуптас, но оз веськав да усьө. Сэк кості Домна кучкө Ёгорлы винтовкаас. Сійө усьө жө. Домна көсйө сійөс кватитны, но чеччө Микол да сійөс уськөдө. Домна перйө пистолет, но оз вевъяв лыйнысө— вачкөны киас. Көсйө кватитны бөр, но кыис оз судэ. Сэк сійөс топөдөны му бердө, көртавлөны да кыскөны дөддьө.)

Он сэсся кыись мын.  
Тэн петкөдлам ми тшын!

**Занавес.**

## КӨХЪЯМЫСӨД СЕРПАС

Көдзыд сарай. Пельөсьясас восьса пазъясөдыс пырыш-  
төма лым. Стенъясыс гыөртөмаөсь. Стен дорын — джын-  
вийө пасьтөм, чужөмыс да яйыс нөйтөмысла уналаті  
лөз — өтнас сулалө Д о м н а.

### Д о м н а.

Көн вынйөр, сэні мезд,  
Көн вынйөр, сэні гаж.  
Ме нөшта төрыт лэбалі, кызд гулю,  
Да корси мича дзоридзьяс ас мулы,  
А талун му выв лёкыслөн кузнеч  
Мен дорис кандалаяс, юрлы — меч.  
Ой, пөръясян тэ, рөк,  
Ой, пөръясян тэ, рөк!  
Тэ көсйылан дзык ставлы югыд тулыс  
И войяс коллявны зэв шоныд, небыд улыс,  
Но бөрас видзөдлам, а сэн  
Дзык нинөм абу,— гыөртөма стен.  
Көн вынйөр, сэні мезд,  
Көн вынйөр, сэні гаж.  
Ме нөшта төрыт лэбалі, кызд гулю,  
Да корси мича дзоридз аслам мулы,  
А талун му выв лёкыслөн кузнеч  
Мен дорис кандалаяс, юрлы — меч.

(Йөжгыльтчө пельөсө да унмовсьө. Сэк аддзө вөт, көн  
локтө сы дорө мамыс — Наталья Ивановна.)

### Наталья Ивановна.

Ме вои, Домна, вои. Мый нө тэкөд!  
Тэ корин менө сідз!

Д о м н а (кутлө мамсө да топөдчө сы дорө).

Эн пиняв, мам: ме кынма.  
Ме тані изөрми нин дзыкөдз.

Наталья Ивановна (шебралө сукманнас).

О господи!.. Ме тэныд шүлі..

### Д о м н а.

Ми сэки мездім Усть-Сы сольск  
Да Эжва катыд төвзим водзө,

Мед Латкин мөдысь эз нин босът,  
Мед сылы кучкыны дон шоддзён.

Наталья Ивановна.

И кучкинныд!

Домна.

Оз вунёд дыр,  
Оз вунёд сійө ассыс Нёбдін.  
И Важкурьяын мус и гырк  
Ми пыркөдİM. Нэм кутас төдны!  
Став вынён гадёс нөйтİM ми,  
Быд сиктын свинеч шерён койим.  
Эз тірав тышын миян ки.

Наталья Ивановна.

А өні!

Домна.

Со мый мекөд лоис!

Наталья Ивановна.

Оз тыдав яяд дойтөмин,  
И йөжгыльвидзан тыртөм кумын,  
Кор сотө көдзыдыс, кыдзи би.

Домна.

Тэ шебрав менө: куті кувны.

Наталья Ивановна (бара шебралө пөланас).

Код мыжа?

Домна.

Ачым. Сөмын ме:  
Эг видзчысь: тыдалө, зэв мудзи.  
А мудзан — төлкыд вошө сэк,—  
Лёк йөзлысь велөдөмсө кывзі.

Наталья Ивановна.

А найө... Дерт жө, быдөн дась  
Пыр индыны тэн сійө туйсө,  
Көн горшныс көиньяслөн пась,  
Көн доддяд смертиыс ачыс суйсьө.

Д о м н а .

И сүйсис. Өні меным пом:  
Оз көдзыдыс кө — менө виас,  
Вир-яйсьым вочас няйт и шом  
Палачлөн, Латкилөн пеж кмыс.

Наталья Ивановна.

Эг шулы-ө ме: тэ, кыз чаль,  
Сэн чеган!

Д о м н а .

Шебрав: босьтө йирмөг.

Наталья Ивановна.

Ме тэныд пөрчча асьым шаль... (пөрччө да шебралө).

Нэм ковмас гыррдза помтө йирны!  
А сійө матын да он босьт,  
Он сійөс некор сэтысь судзөд.  
И тышкась сэсса, нуөд кось,  
Мед лыйсьөм горысь тэ эн удзав!

Д о м н а .

Көть кула ме, но мездмас му,  
И сылы өзьяс мича кыа  
Да сэтшөм мича — друг он шу,  
Он висьтав медся югыд шыөн.  
Сэк лоө дружба и любов,  
Выль горөн юргас йөзлөн уджыс,  
И мортлөн сывны кутас лов,  
И нэмыс кежлө вошө мүдзыс. (Видзөдө гөгөр. Син водзас чужө збыльысь мича кыа и сылы паньид локтө Сергей, а мамыс вошө.)

Сергей, сэк лоан-ө тэ сэн!  
И коркө казтыштан-ө менө!

Сергей (кутлө Домнаөс).

Тэ — югыд шонді югөр мен,—  
Дзик некодыр ог вунөд тэні.

Д о м н а .

Сергей, тэ быть, тэ быть сэн ло!  
Вай таті весьтас сэтчө мунам.

Тэ видзод, кутшом мича лог,  
И дзоридзыс сэн кутшом уна!  
Ме наысь кыа тэн венюк,  
Ой, кутшом лоас сійо мича!  
Со нетшыштї ме василёк,—

Од морёсын ме муслун видза. (Домна кёсийо  
воськовтны водзё, но зурасьё Сергейлён винтовкаё.  
Сэк садьмё да казялё, мый ставыс — нимкодь вёт, а вин-  
товкаыс пыдди юрнас зуралё кодзыд стенсё. Сійо чеч-  
чё да шонтысьыштё упражняйтчёмөн. Сэсса мовпалё.)

Ой, кутшом вёліс нимкодь вёт!  
Дась сійос аддзыны ме помтөг.  
А мам эз пинясь, ни эз бёрд,—  
Кыдз гортын, менё шальнас шонтіс.  
И воліс ме дінё Сергей,  
О, кутшом кывьяс сійо шуис!  
Оз повзьод ёні менё смерть,—  
Коть сійос дасьтё мен вир юысь!

(Неыджыд кост).

А тэ, Сергей, тэ быть сэн ло!  
Од сійо нэмлы сиим олём.  
Мед шуштём кадыс бёр эз во,  
Ми тышкасим — эг тёдй полём.  
И кытчодз ловья, пыр на, век  
Став вынёс тышкасьны ме зэвта.  
И враглы мясянь кыв оз пет,  
Коть ошодасны тайё вевтё.  
Коть торйён шедодласны яй,  
Но мясянь колантор оз босьтны.  
Ме косья вольной, шуда край,  
Ог кырныш бордлысь шуштём востым!

(Ывлаын гольсмуно томан, вощё одзёс. Пырёны  
Латкин да Прокушев, а одзёс дорын отарё-мё-  
дарё ветлодлө часёвой.)

Прокушев (Латкинлы индө Домнаёс).

Со тайё нылыс, кыдз ті аддзад,  
И лоё Ванька-партизаннас.  
А збыль вылас жё сійо — Каликова Домна.  
Ме сійос тёдлі коркё Усть-Сыольскын,  
Кор земотделын курьералис сійо.

Көт тәдса морт, а висътавны оз кәсйы,  
Код локтис мян тылө ськөд тшөтш.

Л а т к и н .

Лөк тәдса, сідзкө, тәнад, оз кө висътав,  
Оз кәсйы кө ас тәдсаяслы бурөс.  
Но аддза ме сы чужөм серти тан,  
Мый талун сылөн бурөс вөзйө бан.  
Әд сідзи, Домна! (Д о м н а чөв олө.)  
Тә на овны кәсьян  
Да кутөдны ас сертиыд бур жөник,  
Код ас кодьыд жө мича, збой да том.

(Д о м н а нинөм оз шу.)

Мый олан чөв — он висътав кыв ни джын!  
Аль тәныд тані кажитчө зөв өна!

Д о м н а (едкөя, но асьсө кутөмөн).

Кыз оз! Зөв ыджыд аттьө, Латкин-барин!  
Тән муөдз копыр сы вөсна, мый ме  
Тә отсөгөн тан аддзи аслым места  
Тшук ыркөдчыштны. (Индө ывлаө.)  
Кутшөм өд сән жар!  
Декабрьскөй шондйыс сән сідз и сотө!

Л а т к и н .

Оз кажитчы! Хе, хе! А чөв олигад любө!  
Ог шашкиөн ми ворсөй, кор война!..

П р о к у ш е в .

Мед вөлис тәнад олөмын век гожөм,  
То вом пыткад оз ков тән видзны ва.

Л а т к и н .

Да, да. А калькнит вомтө мелі нюмөн  
Да висътав ставсө.

П р о к у ш е в .

Сэк лоас гөгөр бур.

Л а т к и н .

Сэк татысь лэдзам, сетам тәныд олөм,  
И дзоньвидзаён новлөдлы тә юр. (Д о м н а нинөм  
оз шу).

## Прокушев.

Мый көсйө тиян Маеговныд сәні!  
И ас бөрсяыс вайё кымын штык!  
И коді личнө тәнө ыстіс татчө  
И сувтөдіс тэ водзө кутшөм мог!

## Латкин.

Да, да. Код ылөдліс! Код личнө ыстіс татчө!

## Домна.

Код ыстіс! Лөглунёй —  
Став сьөлөм сыён тыр;  
Народ и чужан муёй, биын коді сотчө,  
И помтөм месь, код кувтөдзёй оз быр!

## Латкин.

Герой, герой!  
Тэ меным кажитчыны кутін.  
«Месь», «помтөм месь да лөглун»!! Кодьяс динө!  
Месь на динө, таң кодьяс чужан му  
Став вынөн дорйоны,  
Эз кабыртны мед сійөс большевикьяс!

Домна (лөга, ыджыд биөн).

Месь на динө, таң кодьяс чужан му  
Быд ногыс грабитоны, кисьтөны пось вир  
Английскөй штыкьясөн народлысь,—  
Народлөн став предатель дорө месь! —  
Со коді ыстіс менө тиян дорө,  
Мед пармаыс эз бөрд таң ыджыд горөн.  
Ті здөвөльөсь!

## Прокушев.

Народлөн став предатель дорө месь!  
Төд, сідзкө, курва! (Кулакнас сетө тшөка лыас.  
Домна усьө. Сійөс нөйтө нагайкаөн.)

## Латкин.

Сідз тәнө раммөдам, мый лоан, кызди шөвк!  
(Домна пуксьө джджас, но нинөм оз шу,—видзөдө  
гордөя.)

## Прокушев.

Эз тырмы тэныд!

Латкин.

Виччысьё на со!

Прокушев (петкөдлө нагайкасө).

Эн шогсы: лоан пөт.

Латкин.

Гуманностьлы тэ висьтав аттьö!

Прокушев.

Не сійö кө, эз гөлчит эськө дыр.

Домна (Прокушевлы).

Ха, ха!

Ме чайті, бариныд зэв бура тэнö вердö,  
Мый сылы служитан, кызд вернöй пон.  
А вөлөмкө,— ха, ха!— быд сыр нин тэнад бөрдö,—  
«Гуманностьнад» эн калькнит менсьым вом.  
Предательлы эз кывзысь тшөтш и вирöй —  
Эз чепөссый, көть плеть помад и көрт  
И вынтөмлуныд вöсна скөрлун тэнö йирö,—  
Ха, ха! — Ме серала тэ вылын, а тэ бөрд!  
Бөрд, омоль гаг, да усьлась, кызди көин,  
Код ветлө ыджыд туйяс вылын — тшыг.  
Позорö тэ и тан ас юрад вöйин,—  
Эз вичмы и оз вичмы тэныд нинöм,  
Көть пессян — көин вомад шлапсьö быг!

Прокушев (бара чужьялө да нөйтö).

Тэ ланьтан он!!

Латкин.

Судьяö тані тэнö ми эг пунктöй.

Прокушев.

И мянөс эн судит — лоас весь.

Латкин.

Тэн эм на кад, мед уджөдыштны юртö  
Да мөвпыштны. Тэн пöльза лоас сзсь.  
Тэ тайөс кылан!

Тэ мянлы кө краснөйяслысь ключ  
Көн сійö, висьталан, то овны кутан бура.  
Сэк смертьыс юрад косаён оз судз.  
Тэ гөгөрвоин! Кывзам.

**Д о м н а .**

Ха, ха!

Ме серамойла кула, Латкин-барин.  
Кызд аддза, тэнад юрын абу вем,  
А нитш да нинөмтор оз вежөрт  
А вежөртис кө, гөгөрвоин тэ,  
Мый смертыс өні кыйөдө куш тэнө.  
Тэ ворсин — ворссин ассыд скон!

**Л а т к и н .**

Тэ кулан!

**Д о м н а .**

А тэ вечнө ов!..  
Оз чуж та му вылө пеж тиян мөвплөн петас!

**Л а т к и н .**

А тиян сэн!

**Д о м н а .**

Бур койдыс и оз кув,—  
Му вылын сийө озыр плодьяс сетас.  
Со, барин, тэныд краснойяслөн ключ,  
А мукөд ключ тэн некодыр оз ло.  
Ми найөс ставөн крепыд кийн кутам,  
Мед восьтыны народлы долыд лун.  
И восьтам: тышө сувтис став народ.

**Л а т к и н** да **П р о к у ш е в** (сьөрсьөн-бөрсьөн).

Народ! Ха, ха, ха, ха!

**Д о м н а .**

Да, став народ.

**Л а т к и н .**

Зэв интереснө! Кутшөм нө народ!  
Код нинкөма! Кыз шабура да лазья!  
Кузь кыд да идзас рачыв сөйө код!

**П р о к у ш е в .**

Да турун пөвстысь корсьө төрмөм азьяс!

**Л а т к и н .**

Ха, ха, ха, ха! Тэ ыджыд оптимист!  
Но оптимизмыд сынөд вылын тэнад.

И та вöсна тэ кулан, антихрист,  
И морт оз казътыв шоныд кывйөн тэнö.  
Код чужис уявны, то лэбавны оз куж,—  
Мужиклы тан властительён не лоны:  
Тась нетшыштам ми большевизмлысь вуж,  
И петасыслы коръясöдз не воны!

**Д о м н а .**

Эн вунöд, барин, ассьыд кок ув му,—  
Мед кула ме, но уджöй кутас овны.  
Код чужис уявны, то лэбавны оз куж,—  
Бандитлы тан властительён не лоны!  
Быд туй кузя тэн паныд локтö смерть  
И бандайдлы öттшöтш. Мый тэн сины!  
Не пöдтыны тэн некор йöзлысь мезд  
И коммунизмлысь петасьяс не вины!

**Л а т к и н .**

**Фанатик!**

**Прокушев.**

**Помавны. Мый ноксян!!**

**Латкин (чужьялö Домнаöс).**

**Быд понлы — понлөн смерть!** (Öвтыштö кинас да мунöны. Д о м н а кулöма нисьö ловья куйлö. Сэсся сийö кыпöдчö гырddза пом йылас да лэптö кулаксö.)

**Д о м н а .**

**Не вины коммунизмöс тiянлы, не вины!  
Да! Сийö чужас мян вирысь.  
Мед олас коммунизм!**

**Занавес.**

## **ÖКМЫСÖД СЕРПАС**

Кодзула, кöдзыд вой. Усьö китша.  
Гöра бокын будка. Сылөн öдзöсыс петö сцена вылö.  
Будка сайын потшöс. Сэн öшалö киссьöм ыж ку эшкын.  
Ю вылысь, песни козьяс дортi, морöссьыс дойсö ки  
пöвнас кутiг, а мöд кинас, мед эз усь, кйтчö сюрö  
кутчысьлиг, вынсö пöшти дзикöдз нин воштöма да шат-

лаліг кайö ранитчöм Домна. Сылөн киясыс и морöс-  
ыс — ставыс вир.

**Д о м н а.**

Ой, понъяс!.. Сёйисны дзик ульөн.

Палачьяслөн эз дрөгнит ки!..

Эз кывзысь век жö, налы пуля,—

Кöть петіс морöсöд, эз ви... (Кост.)

Ме дыр-ö садьтöг куйлі сэні!

Ог помнит. Но лов садьмис бөр...

Бур эськö пышйыны мен öні,

Да кытчö! Лым улын став вөр.

(Воö будка дорö. Сэн, мед эз усь, пельпомнас нёровт-  
чö стен дорас да таркнитö öдзöсö.)

**С т ö р ö ж** (пытшкөссяньыс).

Код ветлö сэні войшөр войын!

**Д о м н а.**

Лэдз шонтысьны. То кула ме.

**С т ö р ö ж** (восьтö öдзöс да аддзö вирöсь морöса

**Д о м н а** ö с).

О господи! Мый тэкöд лоис!

Вир пытшкын ставнад! Коді тэ!

**Д о м н а.**

Ме Мылдінысь... Ог вермы сэсья...

Лэдз, эм кө места, шоньд сет.

**С т ö р ö ж.**

Кыз рökыс войтыр вылас пессьö!

Пыр. (Босьтö да кутыштö **Д о м н а** ö с.)

Пельшарöс ме корла тэд.

**Д о м н а** (пыригас).

Оз ков: ме сытöг, ачым бурда,—

Случайнöй пуля инмис тшук.

**С т ö р ö ж.**

Кыз оз, кор вирыд шорөн чургö!!

Пась чөвтла ме и ветла здук. (Пырöны будкаö.

Сцена вылын некод абу. Көнкö сиктын кылö сöмын код  
юра белогвардеецлөн сьылöм.)

## Белогвардеецлөн гөлөс.

Коль не любишь ты, Маруся,  
Я решу без лишних слов:  
Из нагана застрелюся,  
И ты увидишь мою кровь.

**Стөрөж** (паясьома да, кизясиг, петө будкаысь,  
ладитө шапкасө да мөвпалө).

«Ме Мылдінысь»... Оз чайтсы меным,—  
Оз сёрнит мылдіңсаяс ног.

Гөрд партизанка. Вот и сёнын  
Шковсетісны: эн шенав борд! (Кост.)

А, гашкө, збыльысь сюрис мыжтөг,—

Өд шальной пуляыд дзык йөй...

А өні, коньөр, сідзи ружтө!..

Мен сійө жаль, көть бокөвөй...

Көть код эз вөв, а сөвесь корө,

Мед сетны отсөг. Пырысь пыр

Ме ветла сиктө, пельшөр дорө,

А то кулас — оз ов дыр. (Мунө. Сценаыс недыр  
тыртөм, а сэсса воссьө будкаө өдзөс да тыдовтчө Д о м н а.  
Сійө кутчысьома өдзөс вугьяс — муртса сулалө.)

**Д о м н а** (стөрөжлы).

Оз ков. Ме кора тэнө, дядя:

Ме ачым бурда, пельшартөг... (Гөгөр видзөдө.)

Зэв сёрөн менам восьом садым,—

Со локтө... пищалаяскөд. (Усьө тагөс вылас, садь-  
төмсө. Локтөны стөрөж да винтовкаа куим белогвар-  
деец, на лыдын Вячеслав Фролов.)

**Стөрөж** (индө Домна вылө).

Со... Дивөйд, мый вөчө! Гурйыв

Та войө өдзөс восьтөма!

Кыз тыдалө, то сійөс вир йыв...

Ён дойсыс жарыс босьтөма.

Зэв ёна ранитчөма сійө,—

Бур нөшта — веськалінныд ті,

Мед лазаретө катны сійөс,

А пельшарыс оз сюр, көть ви...

Ті видлөй, гашкө, важөн кын нин,

Өд войыс кутшөм көдзыд, сэзы!

**Ф р о л о в.**

Эн пов: оз другөн сійө кынмы,—  
Том мортлөн вирыс збой и пось.

(Копыртчө садьтөм Д о м н а весьтө да видзөдө.)  
Тэ төдан, коді тані куйлө?

**С т ö р ö ж** (повзьө).

Ме!..

**Ф р о л о в.**

Партизанка — карса ныв.  
Ми сөмын на сэн сійөс лыйлім,  
А со көн паськөдөма сыв!  
Но век на лолалө пеж лолыд —  
Пыр ещө ловья сійө тан.  
Но öні лоас сылы долыд,—  
Ми сылы тані петкөдлам! (Салдатьяслы.)  
А ноко босьтөй, кыскөй эстчө  
Да домөй потшөс пельөсас,  
Мед ёна кияснас оз өвтчы,—  
Ми сылы пукталам пудпас!

(Садьтөм Д ю м н а өс кыскөны, көрталөны потшөс  
пельөсө, чегьялөны чуньяссө да муджгылялөны-песла-  
лөны сойяссө.)

**Д о м н а** (петалө садяс).

Оз көдзав, зверьяс, менам вирөй,  
Кызд знамя, сійө öзьяс пыр  
И вермөм висьталас став мирлы,—  
Сэк татысь мездлуныс оз быр!

(Сылы бытшкөны морөсас. Д ю м н а пыр кежлө ко-  
пыртө юрсө. С т ö р ö ж тайө зверствосьыс йөймө,  
кватитө потшөссьыс ыжку эшкынсө, шыбитө вылысас  
вылын гөнөн да котралө öтарө-мөдарө, а сэсся пуксьө  
потшөс вылас да сьылө).

**С т ö р ö ж.**

Куті ме жар-птицаөс,  
Куті ме жар-птицаөс,  
Югдіс керка сьөр.  
Пырис сійө шондіөн,  
Пырис югыд шондіөн

И оз пет нин бөр.  
Йөрті сійөс садокө,  
Йөрті ме көрт садокө,  
Шобді сөйө сэн.  
Куті ме жар-птицаөс,  
Куті ме жар-птицаөс,  
Сетіс меным ен.

(Белогвардеецьяс сералёны — налы тешкодь.  
Стөрөжлы жө дзик веськодь налөн серамыс. Здук  
кежлө сійө ланьтлө, видзөдө өти точкаө, а сэссия кы-  
пыда сералө өтнас ачыс.)

Ха, ха, ха, ха, ха,  
Ха, ха, ха, ха, ха,  
ха, ха, ха, ха, ха!..

Сетіс меным ен!.. (Пауза. Белогвардеецьяс  
мунёны, а стөрөж зумыштчө, пукалө дзик чөв, сэссия  
кыпөдө юрсө да горзө белогвардеецьяслы.)

Стой! Эй, сувтлөй!

Стой! Эй, сувтлөй:

Пөжар!

Стой! Эй, сувтлөй:

Пөжар! (Сылы воча некод оз шыась.)

Некоді оз сувт,

Некоді оз лок,—

Сотчи ме.

Некоді оз сувт,

Некоді оз лок,—

Сотчи ме.

Сотчи ме.

Ой, сотчи ме.

Сотчи ме.

Дзикөдз сотчи ме!

Дзикөдз сотчи ме!

(Усьө лымьяс да нөйтө ки-коксө, бөрдө.)

Занавес.

## ЭПИЛОГ

Парк. Сцена пидыын, дзик шорас, зымвидзö памятник. Сійöс кытшалöма бора пуклöсьясөн да цвет клумбаясөн. Гранитной монумент вылын — Домналон бронзöвöй фигура. Сійö, быттьö ловъя, киас оружие кутиг, муно штыковöй атакаö. А вылын тыдалоны башенной кранъяс, кыптöм да кыптысь заводъяслон корпусъяс, нефтевышкаяс, уна судта мича олан керкаяс.

Памятник дорö, морöс тырыс орденъяса да медаль-яса, локтö Сергей. Сійö зэв нин пöрысь — ус-тошкыс и юрсыс дзорöсь, но пыр на збодер.

### Сергей.

Сы кадсянь ваыс визувтис зэв уна  
И сёлöм вывти мунис унатор.  
Но некодыр, дзик некодыр ог вунöд  
Ме татчö волыны, коть юрсиöй и дзор.  
Пыр менö татчö кыскö ыджыд вынөн  
Ас ёртлөн дона образыс,— öд ме  
Пыр муні ськөд öттшöтш, öти туйöд,  
И öта-мөдöс радейтим ми век.  
И радейтöмыс некодыр оз куслыв —  
Пыр югыд, кызди шонди югөр вей.  
Тэ кылан, Домна! Кылан, менам муслун!  
Мый тэныд тані висьталö Сергей?  
Ми радейтим — дум вöлис мян мича,  
Кызд тувсов кыа, кызди мырпом цвет.  
Став бурсö вöли сёлöм бердын видзам,  
И мөвплы сійö чусмыны эз сет.  
Эз сет! Тэ видзöд — ставыс лои збыльöн,—  
Тэ аддзан он, кызд вежсис Коми му!  
Сэн кыптисны заводъяс — ставыс сьылö,—  
Важ лёкыс бырис, кызди асья ру.  
И ставыс тайö — мян уджлөн дзоридз,  
Зэв ыджыд нимкодь, аддзывлытöм шуд.  
Став йöзлөн талун радлö вольной морöс  
И сьыланкывйөн ошкö чужан му. (Кылö том йöз-  
лөн сьылöм.)

Том йöз (сцена сайын).

Шонди кыптöма зэв вылö,  
Сійö мича, югыд, яр.

Миян сьолөм ставлөн сьылө,—  
Дзоридзалө сикт и кар. (Сьылөмыс ылыстчө.)

### Сергей.

Да, чужан му, код вольнөй, вына бордья,  
И восьтис югыд Тöлысь вылөдз туй.  
И Марсөдз кыпөдчис, вселеннөй сводъяс,—  
Став мойдсө пөртө збыльө,— мөвп эз кув.  
Эз кув! И сийө некодыр оз кувлыв —  
Пыр лэбө водзө, кызди метеор,  
Да вайө помтөм радлун миян мулы,  
Мед сийө некор, некор эз ло дзор.  
И тэ он кувлы, Домна,— пыр сэн ловья:  
Народ эз вунөд тэнсьыд югыд ним.  
Көть мыйта сэні көдзыд төв оз пожъяв,  
Но некор тэнад бронзайд оз сім!

Т о м й ө з (бөр матысмө сьылөмыс, а сэсса и ставө-  
петöны сцена вылө).

Му шар вылын абу места,  
Миян моз көн олө морт.  
Чужан муным — кызд невеста,—  
Сийө миян вын и борд.  
Вермам лэбавны ми вылі,  
Помны ю и зырны креж.  
Миян вымпел — Тöлысь вылын,  
Мичмөдө сэн Тöлысь эж.  
Тайө вынсө сетис Ленин,  
Сылөн партия, народ.  
Слава тэн, великөй Ленин,  
Слава тэн, сөветскөй морт!  
Слава, партия, тэн сылам,  
Слава тэн, сөветскөй морт!

Занавес и пом.

Июль 1954 — февраль 1966 вояс.

Микунь — Сыктывкар.

## СОДЕРЖАНИЕ

Октябрлөн алёй стяг . . . . .	5
-------------------------------	---

### Сонетъяс

Абу делёйс сюртукын . . . . .	9
Абу сэтшөм ты, кён ва оз вөр . . . . .	10
Дарья Кочанова . . . . .	11
Кодзувъяс оз кусны . . . . .	12
Сибирь . . . . .	13
Дзик ставыс визувтё . . . . .	14
Коть томлунёй оз ловзы . . . . .	15
Ельдін . . . . .	16
Тэ кылан, ёрт! . . . . .	17
Парма нывъяс . . . . .	18
Да,— шуа,— да . . . . .	19
Печора бок . . . . .	20
Клетка аддзигён . . . . .	21
Арся дзоридз . . . . .	22
Бөрья юөрьяс . . . . .	23
Сьыв, Лилия, сьыв! . . . . .	24
Тыонг Ванлөн гёлёс . . . . .	25
Ме муні витсё би пыр . . . . .	26
Кодзувъяс да туйяс . . . . .	27
Гордость . . . . .	28
Киевын Шевченколы памятник . . . . .	29
Кык роза . . . . .	30
Ялта . . . . .	31
Ме өд пармаысь . . . . .	32
Код радейтё . . . . .	33
Вай отчылд окышта . . . . .	34
Ай-Петри вылын . . . . .	35
Тэ эскы . . . . .	36
Бахчисарай . . . . .	37
Коми мужиклөн «чача» . . . . .	38
Домна Каликова (драма) . . . . .	39

**Федор Васильевич Щербаков.**

## **ЗВЕЗДЫ НЕ МЕРКНУТ**

Сонеты и драма

На коми языке

Художник П. М. Митюшев.  
Редактор С. М. Морозов.  
Техн. редактор А. Н. Вишнева.  
Корректор Е. Сидорова.

Сдано в набор 9/IV-1969 г. Подписано в печать 10/IX-1969 г.  
Формат 70×90<sup>1</sup>/<sub>32</sub>. Печ. л. 4,09, бум. л. 1,75, уч.-изд. л. 4,1.  
Заказ № 2600. Ц01385. Тираж 1700. Цена 41 коп. Бумага  
№ 2. Коми книжное издательство. Сыктывкар, Дом печати.

г. Сыктывкар, Республиканская типография  
Управления по печати при Совете Министров  
Коми АССР.



41 кӧп.

КОМИ КНИЖНОЕ ИЗДАТЕЛЬСТВО  
1969